



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 10

Germany Parl-i kasa o kasa na kibong akümtsü agizükogo

TAPAK 9

2017 küm India aser 1962 küm India na balala: Arun Jaitley

VOL. XIV NO. 253 (ADOK 253)

DIMAPUR

SATURDAY

JULY 01, 2017

5.00

Assam nung Muslim lanur ka khaset

Guwahati, June 30 (Agencies): Hokolbarnü Assam kübok Goalpara district nung Muslim nung lanur ka police-i khaset.

Election Commission-i taitüsü aketba sensotem 'D' voters ta züngokba anema lungkak aitung iba lendong atalok.

1997 küm Assam nung electoral rolls reprangshim dang, India senso indang kuli magütsütetba voter tem tenüing jakdang EC-i 'D' ojang enoksem. 'D' enoksemba voter tem vote magütsüdaiktür mesüra election

nung metoktepdaktsür aser 1997 küm 'D' voters 2,31,657 liasü aser iba sülen tanaben e-roll reprangshidang parnok lakh 3.5 ajung.

Tanü Muslim nung noklang aikati national highway nung ozüing alema mapa inyak. District administration-i parnok nem highway nung lungkak aitba sentong agitsü asoshi temelaba magütsüba anema parnoki ozüing alema inyakdang arishi küm 25 tain Yakub Ali khaset.

(Maneni tapk 12 nung...)

Kohima nung taila entsü angu



Plastic entsü met-er totzü nung asangba sülen tangokba noksa abelen nung aser ajichilen shidakba entsü angur.

Kohima, June 30 (TYO): Kohima nung kanga dang taoksatsü aketba osang ka angazüker aser ibaji shishilembadak taila entsütem anguba lir.

Taila mesüra 'plastic' entsü putetbaji Phoolbari tesem nung chiyungtsü ayoker kati lir aser pai entsü kar tzü nung ametba sülen asangdang, entsütemji yimsaa ao.

Pai entsü cartoon ka ali saka entsü kar plastic ama dang yimsaa ao. Entüsü temalen

indang tereprangtsü jibo kasa dang liasü saka telung nung enoka alibatemji plastic dang liasü, ta shishilembari osangbener dang ashi.

Pai taila entsütem anguba sülen Consumer Board tsüngdang ken o ka benoktsü atema merang saka pa dokan shibanga yur senzütsü majungba agi, tanüingba entsütem jibo pai aliba dokan nung melentep. Ajisüaka, taila entsütem jibo pa ket nung lir aser bangdakpur ket nung agütsütsü ta paisa ashi.

DDLSA aser Traffic police-i 'road safety' sentong agi

Dimapur, June 30 (TYO): Meimchirtemi aibelenba mesüra zübazülemba ajanga gari lendongtem kanga bulua atalokba khuret asoshi tebilemtsü bena Dimapur District Legal Services Authority (DDLS) aser Dimapur Traffic Police-i June 30, 2017 nü 'road safety' sentong ka ayonga agi.

Iba sentong nung DDLSA Secretary & Chief Judicial Magistrate, Dimapur, Ajongba Imchen-i anir DDLSA nung Panel Lawyers den Traffic Police temi gari aser two wheeler anirtem dang 'seat belts' aser 'crash helmets' amshitsü atema ayongzük.

(Maneni tapak 12 nung...)

PSAN-i 'backdoor appointments' ajak agientsü akhanger; July 3 nungi lungkak aittsü



June 30, 2017 nü Hotel Ariel Kohima nung PSAN core team agiba noksa ka angur.

Kohima, June 30 (TYO): Nagaland nung sorkar department temi mapa tazüngtem Nagaland Public Service Commission (NPSC) ajanga meshimba anema Public Service Aspirants Nagaland (PSAN)-i July 3, 2017 nungi Civil Secretariat kima lungkak aittsü.

Kümshia mapa bushir teimba akümer saka NPSC ajanga nübo shimokbabo ishiba akümer, kechiyong department temi 'backdoor' ajanga nisungtem shimoker, ta PSAN Core Team Convener, Nitoka V. Swu-i tanü osangbener dang ashi.

Sorkari 'backdoor' aser 'contractual' yimya nung nisungtem shimokba azüoktsü atema public service bushirtemi PSAN ya yaküm August ita tentetba lir. Parnoki RTI movement tenzük aser sorkar department 59 nung RTI agütsüba nung, nisung aika inyakim alema mapa nung shimokba bushitet, ta Swu-isa metetdaktüsü.

RTI osangtem angazükba sülen PSAN-i State Angh, Chief Minister, NPSC aser Department tem dangi tezülubatem agütsü. 'Backdoor' ajanga masü saka tetoktepba tatidangtem ajanga nübotem shimoktsüla ta parnoki

mepishia shiditemji zülü, ta PSAN-i ashi.

Nagaland sorkar department ajak nung ama 'backdoor appointments' lir saka Rural Development Department, Directorate of Treasuries & Accounts, Social Welfare Department, Department of Art & Culture aser Home Department tem nung talila lir, ta PSAN-isa metetdaktüsü.

Rural Development Department nung BDO, RDO aser APO (Class-I Gazetted posts) mapa 11 'contractual basis' nung aser kasa mapatem 11 tashi 'under deputation' nung lir, saka NPSC ajanga nisungtem shimtsü atema magütsür.

Directorate Treasuries and Accounts (DTA) nunga Sub Treasury Officer mapa 2, Divisional Accounts Officer o Junior Accounts Officers mapa 4 tashi 2016 küm Directorate nungi Secretariat-i yok saka tanü tashi item mapa atema nisung meshimoker, ta PSAN-i ashi.

DTA-i May 20, 2016 nü Assistant Auditor (Class-III Gazetted) indang mapa 10 atema tatidang results sangdongbaji meyipa agütsüla, kechiyong service rules nung mapa tazüing

noklang nung shilem 50 ji public service examinations ajanga aser tanüingba shilem 50 ji departmental examinations ajanga shimtsü shia lir, ta parnokisa shisem.

Social Welfare Department nunga 2006 nungi 2016 tsüingda Supervisors (Class-III Gazetted) mapa 81 tashi contract/backdoor ajanga shimoka lir. Ajisüaka, shitakba agibo mapatemji NPSC ajanga shimtsüba lir. Department indang Service Rules yanglushiba nung ajemdaker 2012 nungi tenzük CDPO mapa ka danga NPSC ajanga meshimer, ta PSAN lennirtemisa osangbener dang ashi.

Home Department nunga Deputy Superintendent of Police (DSP) mapa ana dang NPSC ajanga shimtsü lemzüktsü. Ajisüaka, RTI ajanga ashiba agibo, Assistant Commandant (DSP) 9 tashi May 2017 nung promotion angu. Ano, DSP 10 aser Deputy Commandant 8 tashi taküm mapa nungi anisüngzükogo. Anungji, item mapa nung tesadang kabo department indang service rules nung aliba ama NPSC ajanga shimtsüla, ta parnokisa takhangba agütsü.

(Maneni tapak 12 nung...)

Taruba AGI inyaktsü atema K K Venugopal shim

New Delhi, June 30 (Agencies): Taruba Attorney General of India inyaktsü atema lawyer tejen aser temzüng nung kanga dang mongin, KK Venugopal shimogo.

Tir Pranab Mukherjee-i Venugopal shimtsü mulunga agizük aser Centre-i anogo anasem ka tsüingda pa shimba osang sangdongtsü.

Arishi küm 86 tain Venugopal-i Mukul Rohatgi melenzüktsü. Rohatgi-i tan ita tetenzüklen pa kümsük atongba sülen mapa nungi anisüngzükba liasü.

Venugopal ya Kerala nung lir aser pa Mangalore, Karnataka nung intet. Pa Raja Lakhamgouda Law College, Belgaum nung azüing.

Venugopal-i Morarji Desai'er sorkar nung Additional Solicitor General inyaka liasü. Pai Supreme Court nung ken o aika atema nokdakogo aser tongtipang ken o tem rongnung, Mandal ken o, Ayodhya mangatettep, Judge shimba atema Presidential reference aser judicial appointments tem lir.

Paisa, taoba Tamil Nadu Chief Minister J Jayalalithaa indang rongsen aser Chief Minister inyakba anema benokba ken o tem asoshi jembi. Babri Masjid raksatsüba ken o atema Venugopal-i LK. Advani atema jembitsü aser Dalit lennir Mayawati indang ochimashi ken o nunga pai la atema okadak nokdak.

Venugopal-i küm 50 tashi

mapa inyaka arudang, sempet aika agizükogo aser sempettem rongnung 2015 nung Padma Vibhushan, 2002 nung Padma Bhushan aser national o international rejutem nungi angubatem dena lir.

Taoba AGI Rohatgi-i June 3, 2017 nü kümsük agi tonger mapa nungi anen. Pai kümsük talila inyaktsü memulunger ta Centre dangi shidi ka zülüla liasü.

"Ni Vajpayee'er sorkar kübok law officer ka ama küm pungu inyak aser tang Modi'er sorkar kübok küm asem inyakogo. Ni kü nija mapa inyaknür. Ni sorkar den tesentaktep tajung lir aser iba jagi ni sorkar dang kü nem kümsük talila meinyakdaktüsü atema mepishia zülü" ta Rohatgi-i ashi.

TEMELENSHI TAJUNG
BENER ARUTSÜ ATEMA
MAPANG TAJUNG
AJEPZÜKANG
VOTE
OCHISHIA AGÜJANG



The Woods nung 2nd Summer children camp akar



The Woods kibur, Adang Jamir den 2buba Summer Children Camp nung adentsüpurtem külemi tangokba noksa nung angur. Mokokchung, June 30, 2017

Mokokchung, June 30 (TYO): June 30, 2017 nungi tenzüka taküm agi kümnabuba tanurtem atema summer camp sentong ka "The Woods" (Yimchalu) nung kadar.

Tanü iba camp tenzüka sentong tongmelang ka yangi Mokokchung Assam Rifles gound nung agia liasü, aser iba camp asoshi Tsüngremer temoatsü aser leniba meshia Mokokchung Compound Baptist Arogo Youth Director, Sp. Lanuzülü Lkr-i sarasadema tenzüksü.

Taküm iba summer camp nung Dimapur, Zunheboto aser Mokokchung nungi densema tanur tenem (50) shii shilem agia dendar.

July 3 nü tashi agia aotsüba

sentong nung tongtibangsa tanurtem nem tzüwa (swimming), ango mesühba (angling), teburtem nem yongsen mapa aser tetsürtem nem ola-angla mapatem sayutsü, akhi tsüraburi sorochiokba yimya sayuba den ano kenten menü, camp fire aser ano asaya tapu balala asayaa amungtsü, ta The Woods kibur Sp. Adang Jamir-i osang zülurtem dang camp nung inyaksüba mapa kar lemsatop.

Jangratemtsü kaji; tatem anogo nung Campers tanurtemi pei tsüraburtem nem sorochioka chiyungdaksütsü, ta paisa shisem.

Iba sentong nung Mokokchung nung aliba Class of Music-ia kenten menü

maparen nung yariteptsü, ta osang ajanga angazüker.

Tanurtem sodi asüba mapang iba ama camp ya mapang shia ayongzüka akatsüla, iba ama sentong ayongba ajanga tanurtemi school nung lesson angazükba dak alaka tanga shisatsü (outside knowledge) aika angazüktsü imlar, ta camp nung adener tsürabur kati iba osangbener den jembidang ashi.

Iba camp ama nung ya school nung tesayurtemi mayimjemba sobaliba shisatsü aser libaliru tajung aika angazükba den ano tanurtem nem tarutsü nung tangar dak metaloka melii pei sasa meranga inyaksü tashi tasen aser tasütait tanela apuoktsütsü imlar, ta tsürabur katisa shisem.

CM Dr. Shürhozelie-i tanur kati züluba kaket ka sayatsüogo



Kohima, June 30 (TYO): Hokolbarnü Kohima nung Chief Minister residential office nung Nagaland Chief Minister, Dr. Shürhozelie Liezietsu-i arishi küm 9, Suiyikai H Nandang-i züluba kaket, "My Birthday Adventure" sayatsü.

Iba kaket ya Nagaland

putiotsü nung alizüing ka lir ta shia Chief Minister-i tanobusang nem tenünsang agüja liasü.

CM-i, "Iba kaket züingdangba ajanga ni melung süogo aser Naga nung tanur kati adventure indang kanga junga züluba kaket ka ni

sayatsüba atema pelar," ta ashi.

Chief Minister-ia kaket 40 dak tema zülüogo aser pai ashiba agi, kaket ka zülutsü atema temelungjang nung tesünep aser tajungshiba nüngdaker.

CM-isa tanubosang'er tsüraburtem dang iba tanur akokba tashi agi ajungshia nungitdaksüner, ta mepishi.

"Pa ama kanga tanur kati yamai kaket tajung zülutetra, kenü anogobo Naga nung atema pa senti asütsü," ta Chief Minister-isa ashi.

Suiyikai ya Holotoli School, Dimapur nung azünger aser pa arishi küm 8 asüandang pai iba kaket zülü. Pa ya taoba NLA Speaker, Neiba Nandang'er semchir lir.



June 23 aser June 24, 2017 anogotem nung Calvary Ministry, Jalukie town nung Department of Fisheries-i tetsürtem Self Help Groups/societies/communities nem 'value fish products' indang training agütsüba sentong nung tangokba noksa nung angur. SDFO aser staff temi ango pickles, ango cutlets aser ango soups densema ango agi chiyungtsü tapu balala yangluba training agüja liasü. Calvary Ministry nungi tetsür 25 iba training nung aden.

Mkg Rotary Club-i azü tenlatsü ayonger

Mokokchung, June 30 (TYO): Mokokchung Rotary Club-i July 1, 2017 Honibarnü "Blood Donation Camp" ta sür azü tenlaba sentong ka par Rotary Club House nung ayongzüka lir, ta osang ka ajanga metetdaksü.

Iba sentongji anepdang 10:00 ako nungi tenzüka alitsü,

anungji, azü tenlanürtemi nenok senti azü tenlatsü asoshi Mokokchung Rotary Club tir Dr. Sünep-i mepishia metetdaksü.

Kari danga iba dak sendakba nung osang tejangja aginüra, 9436006240 nung

tongteprateptsü akok, ta kasa osang nungsa metetdaksü.

JKM sanen luden senden ayonger

Dimapur, June 30 (TYO): Jangpetkong Kaketshir Mungdang (JKM) sanen luden aser ketdangpur senden ka July 4, 2017 anepdang 10:00 ako nungi JKM Senyur, Wb. Imtipokyim, Salangtem Ward,

Mokokchung kidang amentsü. Anungji sanen luden züingsem aser ketdangpur ajunga medema adentsü metetdaksür, ta JKM tir, Merang Ozükum aser tongti zülur, Santi Lemtur nati sangdong ka nung metetdaksü.

Mkg DPDB senden July 5 nü amentsü

Mokokchung, June 30 (TYO): Tanü Mokokchung Additional Deputy Commissioner, Sachin Jaiswal-i sangdong ka ajanga, 2017 July ita atema Mokokchung District Planning & Development Board (DPDB) senden July 05, 2017 tashi atsüzüker, aser iba sendenji

anüngdang 11:00 ako nungi Conference Hall of ADC (Planning) nung amentsü, ta metetdaksü.

Iba senden anogo atsüzükbaji temelung nung itta yur DPDB züingsem ajak iba senden nung medema adentsü metetdaksür, ta sangdong nungsa shia alir.



June 30, 2017 nü Mokokchung DEO office nung Mokokchung DEO, Temjennaro (tiyong) den tepila sentong agiba sülen la den külem inyakerem aser tangartem tangokba noksa nung angur.

Kohima DC-i Tir election atema sangdong

Kohima, June 30 (TYO): June 29, 2017 nü Election Commissioner of India-i bye-election atema sangdongba nung ajemdaker tanü Kohima DC, Rajesh Soundararajan, IAS-i Kohima district kübok 10 Northern Angami-1 Assembly Constituency menden tazüing adoka aliba atema election agitsü osang sangdongogo.

Iba dak sendakba nung pai, yimtenren party tem aser

candidate atema Kohima district tesem ajak nung tang nungi Model Code of conduct (MCC) benoker, ta metetdaksü.

Yimtenren party tem, candidates, sorkar department/establishments aser nüburttem dang model code of conduct benshitsü aser taruba bye-election junga agitettsü atema district election ketdangsertem den amalitepa alitsü metetdaksü.

Wokha DPDB senden July 7 nü amentsü

Dimapur, June 30 (TYO): Vice/Chairman, DPDB, Wokha aser Wokha DC, Wezope Kenye-i sangdong ka ajanga, July ita atema District Planning

& Development Board senden anogo atsüzüka July 7, 2017 nü amentsü, anungji iba anogo nung züingsem ajak medema senden nung adentsü metetdaksü.

Tseminyu SDPDB senden menogo

Dimapur, June 30 (TYO): Ita shia amenba Sub Division Planning and Development Board, Tseminyu senden June 29, 2017 nü Tseminyu ADC office chamber nung menogo.

Senden nung ADC aser Vice Chairman, SDPDB Tseminyu, Theodore Yanthan-i züingsemtem pelaa agizük aser

züingsem tasen, Forest Ranger, Jweni Semp Board nung züingsem agizüka liasü.

Iba senden ya Parliamentary Secretary, Er. Levi Rengma leniba nung agi, aser senden nung taruba LADP 2017-18 nung inyaksü aliba Developmental Schemes atema o lemtepa liasü.

**GOVERNMENT OF NAGALAND
DIRECTORATE OF TECHNICAL EDUCATION
NAGALAND : KOHIMA**

Date, Kohima, the 30th June, 2017.

NOTIFICATION

NO. DTE/ESTT-2/12/2017 : The Common Selection Board has provisionally selected the following candidates for undergoing studies in various under graduate courses in paramedical and Agri. & Allied sector during the session 2017-18 as listed below. All the selected candidates are hereby directed to submit their acceptance or refusal letter to the office of the undersigned on or before 4th July '2017. Candidates who do not submit their acceptance by 4th July '2017 will be considered to have declined the seat allotted to them and their seat will be offered to other candidates in the merit list.

Counseling for exercising placement/posting options will be held on 5th July '2017 in the conference Hall of Directorate of Technical Education, Kohima at 11:00 A.M. All selected candidates are therefore requested to attend the counseling on the specified date.

B. SC. AGRI					B. SC. FISHERY				
Sl. No.	Name of candidate	Tribe	NSEE Marks	PCB %	Sl. No.	Name of candidate	Tribe	NSEE Marks	PCB %
1	Mr.Menangchang	Ao	333	93.30%	1	Ms.Atokali H Yeptho	Sumi	200	75.30%
2	Ms.N.Mathiung Flory	Zeliang	291	77.30%	2	Ms.Wathynaro Longchar	Ao	195	76.00%
3	Ms.Neikhrotso-o Koza	Chakhesang	282	63.00%	3	Mr.Benchulo Tep	Rengma	193	68.00%
4	Mr.Thungashan Kikon	Lotha	256	82.30%	B. SC. SERICULTURE.				
5	Ms.Mengusanuo Mezhu	Angami	255	68.30%	Sl. No.	Name of candidate	Tribe	NSEE Marks	PCB%
6	Mr.Meyisunup	Ao	243	86.60%	1	Mr.Akiyeto K Achumi	Sumi	154	63.00%
7	Ms.Kesino Thorie	Angami	200	74.00%	2	Ms.Watimenla B Walling	Ao	153	58.60%
8	Mr.Moasunep	Ao	193	68.60%	B. SC. FORESTRY.				
9	Ms.K.Hinokali Jakha	Sumi	192	71.30%	Sl. No.	Name of the candidates.	Tribe	NSEE Marks	PCB%
10	Mr.Sungpha P Phom	Phom	190	75.60%	1	Ms.Tolika Sumi	Sumi	254	81.00%
11	Mr.Atsungphong Longchar	Ao	185	80.30%	2	Ms.Nissile Rengma	Rengma	195	81.30%
12	Ms.Pilano Patton	Lotha	184	76.30%	B. SC. R.I.T.				
13	Ms.Neizelhououo Suokhrrie	Angami	181	85.30%	Sl. No.	Name of the Candidates.	Tribe	NSEE Marks	PCB%
14	Mr.Nzanthung Ezung	Lotha	180	69.00%	1	Ms.Vimethanu Natso	Angami	158	71.60%
15	Mr.Dokimong N Yimchunger	Yimchunger	179	50.00%	2	Mr.Mhademo A Rangthang	Lotha	152	58.30%
16	Ms.Nikali S Swu	Sumi	178	57.60%	3	Mr.Mongdangti Longchar	Ao	147	61.00%
17	Ms.Yahoi W Konyak	Konyak	177	74.00%	B. SC. HOME SCIENCE.				
18	Ms.Thejasanuo Dzuwichu	Angami	175	76.60%	Sl. No.	Name of the candidate.	Tribe	NSEE Marks	PCB%
19	Ms.K.Leah	Zeliang	174	62.30%	1	Ms. Akuno Khieya	Angami	166	87.30%
20	Ms.Myanrony Khuvung	Lotha	174	59.30%	B. SC. NURSING.				
21	Ms.Buno	Angami	173	60.30%	Sl. No.	Name of the candidate.	Tribe	NSEE Marks	PCB%
22	Mr.Lomong Longchar	Ao	173	67.00%	1	Ms. Ninshikala Tzudir	Ao	218	79.30%
23	Mr.Viluh N Jakha	Sumi	173	59.60%	2	Ms. Vimenu Sanchu	Angami	200	59.60%
24	Ms.Lebatsonuo Solo	Angami	173	64.30%	3	Ms. Lolenu Neikha	Angami	179	69.30%
25	Mr.Pheronthung Y Kikon	Lotha	172	59.00%	4	Ms. Thejavino Dzune	Angami	178	79.60%
26	Mr.Pihuto H	Sumi	171	71.00%	5	Ms. Thejangunuo Suohu	Angami	176	78.00%
27	Ms.Khrielanuo Khezhe	Angami	170	63.30%	6	Ms. L. Shongmo	Khiamniungan	162	76.30%
28	Ms.Achano K Ezung	Lotha	169	87.30%	7	Ms. Keneikhrienuo Sote	Angami	162	69.00%
29	Ms.Chichanbeni C Erui	Lotha	167	62.60%	8	Ms. Villito Kiho	Sumi	159	72.30%
30	Ms.Abihal K Zhimo	Sumi	166	69.30%	9	Ms. R. Lithungbeni Yanthan	Lotha	155	70.60%
31	Ms.Vithonuo Suokhrrie	Angami	165	74.00%	10	Ms. Radila Sangtam (BT)	Sangtam	151	65.30%
32	Ms.Hilito	Sumi	164	81.30%	11	Ms. Menaibam Chawang (BT)	Zeliang	143	82.00%
33	Mr.lanumongba Imchen	Ao	163	87.00%	B. PHARMACY				
34	Ms.Rokothono Savino	Angami	162	70.60%	Sl. No.	Name of the candidate.	Tribe	NSEE Marks	PCB%
35	Ms.Akumna Tzudir	Ao	161	68.30%	1	Mr. Temjen Chuba	Ao	258	77.00%
36	Ms.Lucy Konyak (BT)	Konyak	160	74.60%	2	Ms. Lochumi N Murry	Lotha	176	72.60%
37	Mr.Shingloi H (BT)	Phom	155	64.30%	3	Mr. Khetimo Semy Rengma	Rengma	155	57.60%
38	Ms.Soihiamthai Kaurinta (BT)	Zeliang	151	65.30%	4	Ms. Angumjungla L Longkumer	Ao	154	79.00%
39	Mr.Apuloka H Sumi (BT)	Sumi-Kiphire	148	76.30%	5	Mr. Khoanyam Konyak (BT)	Konyak	146	70.30%
40	Ms.Bewe-u Kenye (BT)	Chakhesang	146	67.60%	B. SC. MLT				
41	Mr.Sangtsui (BT)	Khiamniungan	143	65.60%	Sl.No	Name of the candidate.	Tribe	NSEE Marks	PCB%
BVSC & A.H					1	Mr. Megokielie Sakhrie	Angami	168	63.00%
Sl. No.	Name of candidate	Tribe	NSEE MARKS	PCB %	2	Ms. Takanungla Longkumer	Ao	151	72.00%
1	Ms.Inchale Hega	Zeliang	484	74.60%	3	Ms. Imlinola Jamir	Ao	146	82.60%
2	Mr.Akung Newmai	Zeliang	348	91.00%	B.H.M.S.				
3	Ms.Eriwete-u Mero	Chakhesang	310	83.00%	Sl.No	Name of the candidate.	Tribe	NSEE Marks	PCB%
4	Mr.Y Yingathung Lotha	Lotha	284	49.00%	1	Ms. Angukali Kinny	Sumi	222	65.30%
5	Mr.Tingthong N	Konyak	278	56.30%	2	Ms. Livika V. Awomi	Sumi	189	69.30%
6	Ms.Adie Kire	Angami	258	59.30%	B. SC. O.O.T.				
7	Ms.Imtjungla	Ao	255	83.30%	Sl.No	Name of the candidate.	Tribe	NSEE Marks	PCB%
8	Ms.Lothinglo Ezung	Lotha	242	79.00%	1	Ms. Moamenla T. Jamir	Ao	150	72.30%
9	Ms.Kekhriengunuo Kire	Angami	215	79.30%	2	Mr. Vezhi Vadeo	Chakhesang	146	75.30%
10	Mr.Mhonjan N Ovung	Lotha	215	79.30%	3	Ms. Ngapsa T. Konyak	Konyak	140	67.00%
11	Ms.Orenvungi Patton	Lotha	204	85.00%	Sd/- ER. ARJUN SINGH Director				
12	Mr.Nangpong Chang (BT)	Chang	201	61.00%					
13	Ms.Reluingaule Lungalang(BT)	Zeliang	192	69.60%					
B. SC. HORTICULTURE.									
Sl. No.	Name of candidate	Tribe	NSEE Marks	PCB %					
1	Mr.Renlamo W Shitri	Lotha	274	82.00%					
2	Ms.Chichangbeni T Humtsoe	Lotha	218	54.00%					
3	Ms.Zuchobeni Murry	Lotha	187	60.30%					
4	Ms.Sangloi	Khiamniungan	180	82.60%					
5	Ms.Imtiyala T Lemtur	Ao	174	63.30%					
6	Ms.Kivitoli Swu	Sumi	173	78.60%					
7	Mr.Bomchai L Ong	Phom	161	69.00%					
8	Ms.Grace M Ovung	Lotha	158	79.00%					
9	Mr.Benti Semy	Rengma	157	59.00%					
10	Mr.Y.Longdilog Sangtam(BT)	Sangtam	153	64.00%					
11	Mr.Kumrimong T Yimchunger (BT)	Yimchunger	151	63.60%					



TIR YIMYIM

YIMOBILEM (EDITORIAL)

DIMAPUR SATURDAY, JULY 01, 2017

MEZÜNG CLEAN ELECTION

Nagaland nung election timi agitsü nungdakba indang tangsa tejembiba amato jembia alidang Election Commission of India-i Nagaland state nung Northern Angami- 1 Assembly Constituency nung July 29 nü by election agitsü metetdaksüba osangji Nagaland nung alirtem asoshi osang tajung ka asütsü. Atangji, taoba küm pongo tsüngda Nagaland nung chief minister asembe tashi melentsüsa akümba tensa tijibo asenok asoshi tajungbo masü saka Nagaland asoshi Tsüngrem sentong ka alitsü südi ta dang angatetdi. Election commission-i July 29 nü Nagaland nung by election agitsü sentong memetdaksü tashibo asenok ajak asoshi teratatsü tuluka liasü, kechiyong Nagaland asoshi general election atongtsü ita trok tenet ka dang alinungji, Election Commission-i by-election agitsüji memulungtsüa akok ta bilem. Aji oda, July nungsa by-election magira tang inyaka aliba Chief minister, Dr. Shurhodelie ya menden nungi anentsüsa akümtsü, kechiyong pa ya election ajanga shimtetba tatar senden züngsem ka masü. Ano, tebilemstü tulutibaji general election magi tsüngda mapang tatsüka atema Shurhodelie melen chief minister ka shimtsübaji DAN telok asoshi tebilemstü tuluka liasü. Ajisüaka, tang Election Commission-i by-election agitsü metetdaksüba jagi NPF teloki aniba DAN government asoshia khen atemabo mulung anisüngzük ka ngur asütsü. Atangji, by-election nungji NPF candidate Shurhodelie-ji adoktsü asü madoktsüar memetet, anungji election agia result adokba sülen dang metettsü. Aji oda, pa adokra DAN government asoshi tebilemstü malitsü saka pa madokra pa melentsü asoshi tebilemstü tuluka asütsü. Ajisüaka, iba tebilemstüji parnok yimsüsürtem nem toktsüdi saka asenok nübertem asoshibo tang Northern Angami-1 Assembly constituency nung by-election agitsüba ya mezüng 'Clean Election' agitsü maongka angur asütsü. Ano, tajung kaji iba constituency nung ya Nagaland yimtiba Kohima town tesadang ka shi dena lir. Tetezü, iba constituency electoral roll nung Naga nung kin ajak densema lir, anungji Nagaland ajunga nung election agir amai asütsü. Ano, asenok asoshi balaka kanga süoki ia bilemstübaji iba constituency nung Angami nung dak alaka tanungba Naga kintem rongnungbo Aor vote teimba alitsüa akok. Ibaji asenok asoshi kanga tekümdangtsü ka asütsü. Majungsa asüyonga, Nagaland nung election agiba maparen nung ya asenok dang nungibo Angami nungeri ochitashiba aser teindangba inyaker amai bilemer. Aji oda, taoba election agiba yimyatem indang bilemdangra, Kohima nung asenok aikati tangar tsüngdang nümamedangtetsüsa inyakogo. Ibaji asenoki asen temulung nung Tsüngrem tsüngdang nangzüksüla aser iba by-election nungi tenzüka asenok temulung temerük agi election timi agitsü merangtsüla. Tanü putu nung asenok khen asentenshia temulung meyiper inyaksüba mapa kaji asenok (Aor) kong kechi mapa inyaka lidir liaka, asenok ajak tangar rongnung taküm kuli tajung agütsütetter nisung ka asütsüla. Joko, asenokbo election nung vote ayoker aser vote alitsü bushia senzür rogo masütsüla. Joko, asenok ya tangar melen vote enoktsür masütsüla. Aji oda, asenoki Aor meraket aser ABAM aküm apayutsüla. Aji oda, asenok tama ser mapa agi Tsüngrem tenüng nung 'Clean Election' nung shilem agir kaka akümtsü merangtetsüla. Iba by-election nung asenok rongnung nisung kati danga candidate dang sen meshia agira, iba senjibo Yisu ayokba sen amato kümadoktsü. Aji oda, iba election nung asenok rongnung nisung kati danga tangar melen proxy vote enoktsüra, ibaji asen kin masü Yisu mak sütsür asütsü. Iba tangatetba nung asenoki election nung shilem agitsü tim. Nisung shinga election anogo pei vote meinoktsü ser tangaleni maotsüla aser kidanga anisüngzüka mekazütsüla. Iba kasa tangatetba nung Kohima nung alir asen nübertemi Northern Angami-1 Assembly Constituency nung July 29 by-election ya Nagaland nung mezüng Clean Election agiba anogo südaktsütsü taTsüngrem aser nisungtem tsüngdang nangzükttetra, ibaji Nagaland dangi temelenshi aru tetenzüker asütsü.

OLEMSABANG

NÜNGJA RATET SHILEM 1

- A. Maong Aier Retd. G/T, Alongmen Ward, Mkg.

Oshi nung olong shia nungja ratet lir. Iba ratet ya metet nung dang oshiji mamar aser renloka aoer. Ni lanuwa tsürabur dang aiben nungja ratet ya asüngdanga aru. Parnoki meteta aliba kar angazük. Saka parnokia aika memetetba ajanga mangazüki aru. Tanü asüng ASLB aser nübur aika ajanga paper osang nung nungja tasen den ratet aser ano iba denji o zülu dena meteta arudagi. Asen osepji renemer nungjabo metetsü, saka ibaji ajanga nungja ratetbo memetetsü. Osep ajanga nungjja kar metetdang tat. Sangremer ta süra kinungtsü sür kinungbo kija aliba, ano amitsür ta süra kinungbo sür la kija amia aliba tabo metetsü. Anungji oshi meteter mamatsü aser renloka aotsü atema nungja ratet ya kanga nungdak.

Mapang shia lanurtemi nungja ratet ya asen dang asüngdang, saka asenia aika meshiteter. Iba ya lanurtemi kanga sabuba ajiteta item nüburtem tajangzük angutsü ta imlaa olong nung nungja ratet ishika teyur.

Nungja ratet ya karbo ola dang ratetba lir. Tat: BOKBO-ONGLIKAKAK-BENTOJEPJEP etc. (asemprongla ozü tenüng) ano karibo tangari mashiyonga sobaliba-a aodang metetba aika lir. Tat. Taksep-nokleptsü-matsüklashi-alizüngken-azükzüngken-entsülashi-entsümapu-entsü-bengana-ludi-maipu-bendong-amerlongtsü-anüngkelepleptsü-kongyu-apunarong-perangpong-merangpong-yinjang-nükrangdong-nükratsü etc. Item mesükba aika lir. Ano karbo asenia ratettsü aika lir sünung meshisadanggba agi tangari shirang metetba aika lir. Saka aika teratettsü tasak lir. Anungji ni lanuwa mapang nungi tang tashi nung angazüka aruba ishika tadongi shiyonga alur.

1. Ayung nungi aruba tzü atsüngdena yimdaka aliba agi TZÜYIM ta ajar.
2. Ali agi ajaklen awabanger atsüngdena aliba tzü asüba agi AWATSÜNG ta jatet.
3. Anüng nung idaka ayu ama ajitetba agi ITA ta jatet.
4. Sangwali anepdang alimaji anepaneper asüba agi ANEPDANG ta jatet.
5. Anogo tiyong mapang anüji asen kolak dang dangita ayu ama ajitetba agi ANUNGDANG ta jatet.
6. Anü tayitsü mapang alima nung aliba oset aika kongadoker, iba jagi NIKONGDANG ta jatet (shitakba agibo o zülüji NÜKONGDANG ta ang amshitsüla) Anü nungi ratetba agi.
7. Sarar aliba agi SÜRA ta jatet (shitakba agibo sarar aliba tu asünung SARA KIOKTSÜ/SARAJANG) ta ang olasüji alitsüla aser o zülüji yamaji mashitsüla./
8. Jinabai Etiben mang azütsü (züpangtsü) atema leptsü leper adoka tsüdena tsüdena atakba agi LEPTSÜ (leptsü kioktsü) ta jatet. Ano asenoki leptsü alepi aodang mezüngbubaji lepdener tsüdena tsüdena yuyonga aor aser tarudang bendenyonga arutsü. Iba jagi LEPTSÜ ta jatet taka angazük.
9. Anü adoker tai tashi aser ano madok tashi asenoki mapang tetzür, ibaji anü ajanga tetzüba agi ANÜTETZÜ ta jatet.
10. Mulu tzü adena orr aliba shiruru, azü mesüker asüba agi MOLUSUNGZÜ ta jatet.
11. Pongali nung dang alia bener arua tsünütetba agi PONGALASHI ta jatet.
12. Merieri atsüngba asenoki alia amshiba agi MERETSÜNG ta jatet.
13. Na aser ni mesüra oset ka lung/sung mesüra paper nung kanga dang mesüka yangluba agi KÜRACYANGLU ta jatet.
14. Mudong teka agi amer nok tila tekerak mesüker, iba jagi mu ji anir arua rangzükba agi NINOK ta jatet.
15. Alu rozüka mapa ajak tembanger nisung kolak (mangko) leper rua nangdena ayuba agi MANGKONANG MAPANG ta jatet.
16. Tebangji kirak kiraka koa ator aliba agi KOTARANG-KOTA-CHIKOK ta jatet.
17. Süng nung mukchi mukchi ali ama asüba agi SÜNGMUK ta jatet.
18. Nisung kwiar metetsü atema yong süka süka yur züngdangba agi NÜTSÜNGYONGSÜK ta jatet.
19. Mapang shia kinungtsüi la kinungbo sanga dang arur, saka la sür remadoker joko tasanger to maliba agi SANGREMER ta ajar.
20. Kinungbo süadoker kinungtsü to takidak maka am rongzükba mitsü den saku ta adishia AMITSÜR ta jatet.
21. Ali tema nung tzü aser lishih mouteta adokba agi ALISAKTSÜ ta jatet.
22. Yimer ajaki melentepa amshiba molok asüba agi YIMCHIMOLOK ta jatet.
23. Apu apua tur apu apua aliba agi APU (ladder) ta jatet.
24. Mapa tila teri atamata aika inyadang aiben tongtipang mapa inyaksü nung menur asüba agi MECHIMENU ta jatet. etc.

(Maneni taruba adok nung...)

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir

Alima nung sempet tapu aika lir

- R.Imkong Lkr, 4th Mile, Diphupar

(Maneni yashi adok nungi...)

Yamaji Yisu-a Mojingi atidangsü asoshi aremi anir ao aser lir nü aser lir aonung lumiseta lir külen atidanga temeshi lai Mathi tapu 4:1-2, nungji angur. Yamaji Mojingi anir aoba rongnung "Satanic Worship" Mojing tekülem sentep agiba rongnung adener Aiür Asangurtem aika indang angashia aruogo, aser aikati angashir alitsü ta amanger. Aser item amala tatalokba ya tanü asüng lanurtem rongnung timba atalokba angashia aruogo aser aikati angashir alitsü ta amanger. Kechiyong lanurtem taginüba aser tejangrabaji mojingi metetadoker alir ta ashir, iba jagi lanurtemji pai pa mulungba nung amshitsüsa akümer ta metettsüla, oda lanurtemi balaka Tsüngrem dak amanga pa ozüng nung jajaa melira Aiür Asangurtem aika dak timtem ataloktsü menua mali ta shitsür. Aser yamala tatalokba ka lanur Aiür ka dak atalokba nia chichia ajangshia aruogo. La ya College ka nung tang tezüngdak lir, aser la ya tekolok techira aser kechisarena nung kanga yakyaka inyakba Aiür chanu ka aser tobur tajung lir. Aser ni la dang aser teyi nung dang kechi koda komasa atalok ta asüngdanga liasü, aser parnok ashiba agi iba "Satanic worship" Mojing külemba nung o jembir dangji Mojing ta majar ta ashi, saka parnok dangji tanishir ta ajar ta ashi. Aser ashiba agi parnokji kanga jangratemtsüka lir ta ashir aser parnok sentep agitsü atema tsüngtsüng atemer, idangji parnok pei kidang mapa inyaka lia mesüra kidang kisemertemden mentepa otsü atonga jembitepa alidang mesüra lesson zünga alidang parnok sentep tsüngtsüngji atemba jangjangja angashir ta ashi. Aser parnok rongnung par medemertem kari sentep nungji adentsü tajai arur ta ashi. Aser kodang pai kidang nungi renemer ayazüka yimdongi odir memetet-i ka parnok sentep agiba tesemji tonger alir ta ashi, aser sentep nungji o jembirtemji tanak sübotsü sübor alir ta ashir aser parnok o tajung dang jembir ta ashi, saka Khrista dak amangertem aser Yisu-ji majung ta jembir ta ashi aser iba sentepji senshia pei kidangi arudang, oda aonung aoba tu anepdang anü adoktsü anasa memetet-i ka pei kiyong tu tonger alir aser yimdongi kazüyonga aoba shilanger amai pei kidangi ayaketa atur ta ashi. Iba tatalokba ya ni prayer centre ka nung tatsüka, oda ita ka shi monga alidang ajurushiba otsü lir. Ni ozü tantsü küna prayer centre ka nung monga alidang iba tatalokba ya atalok. Aser iba kasa otsü ya Aiürla aser teyi (sister) nunga la meina arurtem prayer centre nungji külemi tatsüka amongdang parnok "room meet-tem" dang tang shiyonga aruba kasa tatalokba otsüji shia liasü ta tetsürtemi onok teburtem danga shia liasü. Yamaji mojing dak nisungtem mashileni anitsü aser taküm o tanela rangpen samatsütsü tashi keta lir ta angateter. Saka mojingi chichiba Khristantembo kanga akhüm keta repranger ta ashir.

Kodang Aiürla tu kidang nungi aoba ta menua meshilang, idangji kinungertem aser tsüraburtem bilemetsü kanga kaa bushi saka mangu nung parnok bilem oda tanü asüng mopung majung anungji la tu ola madokteti takdang ka nung mejanga ali nunga ta ser jungjunga repranga liasü oda yipden telong tashi mita bushi, saka mangu nung kiyonger lar medemertem danga asüngdang nung parnokia la tu parnok kidangi maru ta langzü. Anungji tatem nung kinungertem aser tsüraburtemi jembitepa ashi, oda Aiür taküm ka asünungji asangur kar den ayipteper ao alitsü ta jembitepa aser paonungji parnok ajak kanga shisabulua mejangadok. Saka anepdang tera züngia lia la tu tanemi dang yimdongi kazüyonga aoba meyipa shilanger amai dang kidangi ayaketa atu, idangji tebu-i la tang kong nungi arur ta asüngdang nung lai kecha melangzü nungji tebu-i ain adoka la dak teka sangshia azük ta ashi. Saka lai tesülen ang la kechi nung senzü aser komaka senzür meyipa shilang, item ajakji rasaa ashidangang kinungertem la tia-ji meteta aküm. Iba sülen tu kinungertem aser tsüraburtem jembitepa ta ashir, aser iba tia maparenji pei kidangbo makoktsü, anungji prayer centre ka bushi odi ta ser renemtep nungbo prayer centre jagi moatsü ta kanga dang merang nungji tatem nungbo la tu alener gari ka nung ajungoka mendaktsür kanga asatena onok aliba prayer centre jagi bener ait. Saka la tu tesüngmangtsüka jeba English oshi agi jembili aser ano khenkhenbo jebiyonga sarasademli ta ola tulu agi ayimtandang onok centre nung monga alirtem tua kanga aoksatepa süngmangdaksü. Aser iba aonung tepiyongji lar kinungertembo khen agi amoi "mou-i" modaktsü-i asatena sangwadaktsü. Tetezü la sülen temenen anidaka aruba denji raratepa liasü ta angateter, aser yangji aliba councillortem meketbanger sarasadema yarimeso, aser tasüngjibo tera süngjema aküm, aser ozü tantsü küna joka "kitchen" parnok room "special room" anasaji liasü, nungi councillor-tem tera azünga aliba mapang ka nung, nia oda temenen tatok bushitsü atema iba centre jagi ai asünung la atemaji sarasademtsüsbaji tera arentaka bilem, saka menenpuri menenpur asoshi sarasadem ka danga agütsüdi ta ser parnok takdang jagi iagi sarasademtsü aser alima shisatsü tsütsülen nungi sayutsüngi o kar agütsü, idangji lar tsürabur aser teyi nungertem kanga pelaa liasü. Iba sülen yangji alirtem councillor-temi kanga sarasademja liasü aser joko iba "Satanic worship" sentep jagi maotsü ta la nem nangzükdaksü aser anogo ishika tsüngda nung la tu kanga tejungtuba aküm aser lai-a telok tsüngdang kuli süa liasü aser onok sentep tekülem mapang nung lai jurila mapang meshir ken kanga jungasa tena liasü aser ano teyi nungertem dena ken aiben tena liasü. Iba ji ajanga centre nung amonger ajak temoatsü kanga ngua liasü. Aser tanü tashi la tu kanga jungasa liyonga aoba angur. Iba ama mapang ka nung ano tera mekümdangra tang dang nungia kanga agi tamajungba akümstüji menua mali ta bilemetsür. Aser ni bilem nung la tia tamajungi aibabji la kisüng tai masü, saka lar tsürabourtema tai alitsü ta nibo bilema liasü. Aser ano amadoker meshisem tang ashi, iba prayer centre nung ya tetsürtem takdang "room" talangka lir, iba nung tu ano Aiür chanu tobur tajung ka, oda ashitsü agi kanga teyakyak ka liasü, lai ken-a kanga junga atener aser mapang shia ajak den asayaa menüdaktsür, saka lai aonung tangar ajak mejanger alitang yipden tsünglangleni arua mejanga alirtem rongnung kar dak tetsüng nung ametersa atsür ta jembitepa liasü. Ni bilem nung la dakjia langka ka timtem keter alitsü südi ta bilema liasü, aser onoki doktsür adok tashi nung tangar nem aonung mejanga alidang timtem agütsülajibo anosa doktsür adok.

Tang ni temalen shiyonga aruba amatu sempet ya tapu aika lir, item sempet rongnung Mojing nungi anguba kar dak keta aliba reprangtetba ka yamai shisemer, item jagi nisungtem dak tashidak tulu keta aliba ajiteter aser ano tangar dang meshitetba timtem bener alibatem reprangtetba aser itemji ajanga karbo tanebtsü angur ta ashir. Anungji item amala sempet tulu aketerem Dangji "KOBIRAJ" "The Quack" ta ajar. Saka asenok nisungtem aikati "Medical Doctor" masü saka item amala kobiraj dakji temulung kanga alemer, yamaji nia tamalenbo item amala dakji temulung kanga lema liasü. Anungji nisungtemi item dang jagi oa karbo tanebtsü angur ta ashir, saka tatem nungbo kechiang ataloktsüar memeteti tapi agi tamang akar. Tetezü odak yabo kangasa shidaka tabo meshitetba, "No guarantee can be given" ta tatsüba agi angatetdi.

(Maneni taruba adok nung...)

ANO GO ABEN TSÜNGREM DEN

MISSION

Nai ni kechi koda alimai yok, yamaji nia parnok alimai yok. Yohan 17:18

Yisui Tebu dang sarasadem, "Nai ni kechi koda alimai yok, yamaji nia parnok alimai yok." Tsüngrem yimli asoshi asenok alima dang chuba tenyar tongtiba lir. Yisu Khrista koda nisung kümer asenok dangi arua Tsüngrem temeim lemsatep, yamaji asenoka nübur jenjang jagi lur, Khrista temeim aser Osangtajung lemsatepsüla.

Asenok nübur dang aobaji ana nung asüyong mesüra talang nung asüyonga, asenok Tsüngrem tenüng nung aoer. Alima nung shirnok teraksa nung lir mission ajanga yanglushir, shiranger nem taneptsü agütsür, teimla makar nem teimla agütsür. Yisu sülen anidakertem tila tanurtem, teintettem sayuteter, aser parnok sayutetpurtem jagia Yisu tenzüka Pa Osangtajung sangdonger.

Tesüiba mapang reprangdangra, Khrista chuba tenyar tongtibatemi alima kanga moatsüogo. Khristantem sensaker dang Tsüngrem temeim sayuogo, ajemrepa alirtem asoshi noktakogo, sayutsüngirtemi nisung million aika dang Tsüngrem O lemsatepogo, ano temang anepaluba, lendong ataloka alirtem yariba, kiojen sütsüba ama mapa tajung aika inyaka Tsüngrem temeim agi aika sangwatsüogo.

Tanü na ajanga Tsüngrem temeim sayudar ma? Naia shirnok sangwatsür? Na kong lir?

SARASADEM:

Oba! Yisu aser Pa temeim asoshi Nü Nüing asanger. Nü nükjidong ataloktsü asoshi Nü Temeim onok ajanga yimdakjangma. Amen.

China-i Khristan missionary tem dak tai tongloktsü



Lee Zinyang

Meng Lisi

Beijing, June 30 (Agencies): ISIS kiralongrartem China nung missionary ana tepsetba atema nübertem China sorkar anema ola adokba mapang ka nung, China sorkari missionary temi inyakba mapaji ozüng alema liasü ta tai tongloktsüogo.

China sorkari bushisüngdang mapa shitak meinyaker ta aitsüba mapang ka nung sorkari China nung ana inyaksema Korea nungertem dak ang tai tongloktsü.

China nung Meng Lisi (26) aser Li Xinheng (24) na pur aoba atema June 8, 2017 nü ISIS-i tenüng agiba metetdaksü. Tena ya Pakistan kübok Balochistan nung missionary mapa inyaka liasü.

Meng aser Li naji May 24, 2017 nü sama aser saka China sorkari tena kümzüktsü atema mapa kecha meinyak aser Pakistan ketdangsertem ket nung dang toktsü.

"America nungertemibo Korean War aser Vietnam War nung tasürtem mang bushitsü atema kanga meranger aser sen-a aika endoker. Rara nung tekolok meshidak akümer tema parnoki kümzük aser tasürtema bushia timi remogo. Ajisüaka, taochi maliba China Communist sorkaribo China nung sayutsüngirtem- Li Xinheng aser Meng Lisi na odang toktsü" ta US nung alir Khristan Zheng Leguo-i ashi.

"ISIS-i tena apuba sülen-a,

China sorkari China nung senso ana kümzüktsü atema mapa kecha meinyak. Külen, Pakistan sepaitemi pua ana alir kümzüktsü melena, kiralongrartem tesepe amaktsü ang tejangraba liasü" ta Leguo-isa shisem.

Global Times ta ser China sorkari adokba osangkaket nung, Meng aser Li na inyaksema Korea nung Khristan tem aitsüba osang adok.

Korea nungertem tena nem missionary mapa inyaksü atema ajungmeso ta China sorkari ashi saka nübertem meyipar sorkar aitsüogo.

Shandong aser San Francisco Bay Area nungi China nung sannüker anati ChinaAid dang ashiba agi, tena tepsetba sülen Khristan pezü pua lir saka sorkari arogo züngsemtem dang ola madoktsü atema amokmerener.

Islamic State-i Li aser Ming na tepsetba osang sangdongba sülen anogo ka lir, China sorkari osangbener senden ka ayonga amendang, Ministry of Foreign Affairs otongdar, Hua Chunyong-i, "iba tatalokba ajanga One Belt and One Road maparen nung tetsükdaktsü kecha majurutsü" ta ashi.

Iba maparen ya 2013 küm China tir Xi Jinping-i Central Asia, West Asia, Southeast Asia, aser China sendaktepba 'Silk Road' tanaben yanglutsü atema tenzüka lir.

OLONG PAITEP # 4468

1		2					3		
		4		5			6		7
8							9		
10		11				12			
13					14			15	
16					17				
							18		

TIPIEN

1. T _ _ _ _ _ teri - (3)
4. Tanang masü - (4)
6. Ishika - (4)
8. Tebang nung shilem ka - (6)
9. Poktet - (4)
11. Osettsüset ayutsü asoshi yangluba - (7)
13. Kilung masü - (4)
14. Sents _ _ _ _ _ hi - (6)
16. Tzü tatsük agi yiru - (4)
17. An _ _ _ _ _ len - (4)
18. _ _ _ _ _ aruli - (3)

LANGTSÜNGLEN

2. Ali nung süngjang arem - (4)
3. Tamendak - (6)
5. Kibong yongsük - (5)
7. Temulung tata - (5)
10. Ana küma sangma - (5)
11. Tenüngsang asoshi agütsüba - (6)
12. Tenüngsang Ken zulusang - (5)
15. Sü _ _ _ _ _ ng - (4)

OLONG PAITEP # 4467 TELANGZÜBA

TIPIEN :

1. Sentsü, 3. Alar, 6. Nikongdang, 8. Tai, 9. San, 11. Mesangdong, 12. Tama, 13. Samesa.

LANGTSÜNGLEN :

1. Süngdong, 2. Senchi, 4. Lenden, 5. Odi, 7. Tazüngla, 8. Temeim, 9. Sangma, 10. Hai.



2017 JUNE ITA LILI RESULT!

June ita nung Lili tajungtiba (First) shimteta tanü yangi lephsia agütsür. Lili zülur-i July 10, 2017 tashi nung Tir Yimyim Office nungi senpet agizüktsü mepishia metetdaksür.

Alokba Arogo ka nung tatidang agütsür

Board : Alokba taküm aser kibong atema dang mapa bushirji odangbo manioktsü, anungji question kar asüngdangi, achaa! Tsüngremi menütsütsüsa tamangeri inyakbaji kechisa?

Alokba : Ena!

1. Tangar li rakzük, saka Tsüngrem tenüng sanga kimong meshiteta sarasademba.
2. Injang agi dang khazüka election nung adok, saka onok nem yimsüsür tajung ka moatsüogo ta sarasademba.
3. Sübokrem agüja sen lakh aikati mapa ali, saka ozü chiri takok tulu nguogo ta sarasademba.
4. Yimten nung tangar o ajak langtetetba yimsüsür sotetjang ta mepishiba.
5. Ochimashi rongsen agi takar akümstü meranga sarasademba.
6. Arogo aser lokti balala nung shidak tai masü saka majority dak metalokba.
7. Tashidak balakati asü saka kinungeri tashidak tanga kaang melentsüba.
8. Tsüngrem aser nisung tsüngdang kuli nangzüka sati asü, saka tanur mesora meinzüka yokba.
9. Nisung süaka shiruru süaka tamajungba ka Tsüngrem nem tenla agütsüba.
10. Tang nenoki shiogo, Arogo nung tanülabo maten taküm aser kibong atema dang mapai anikba Arogo ngur Tsüngremi menütsütsü südi.

Board : Alokba, menatokang!

Lilir : I. Kilang Ajem, Indisen, Dimapur

TANÜBO NAI LANGZÜANG

Q. India nung sports asayar shibai East Bengal football club meyong naroküm "Bharat Gaurav" sempet angutsü ?

- [A] Dhanraj Pillay [B] Mary Kom
[C] Pusarla Venkata Sindhu [D] Sachin Tendulkar

===== (Taruba adok nung onoki langzüksü)

YASHI ADOK TELANGZÜBA : 93buba

Tanur asoba anogo nung salem osang den noksa angari adokdaksünüta - Tenüng, Küm, School, Talidak & salem osang lejanga zülur, noksa (photograph - any size) ka den anogo 3 mesora 4 jela e-mail : tirymyim@gmail.com nung yokang mesora Tir Yimyim bureau tem nung agüjang.

Tepela Tasoba Anogo



1. Tenüng :
2. Tasoba anogo:
3. Küm : 4. Class :
5. School :
6. Talidak :
7. Salem osang :

NAIA YA METETER MA

TALANGTIBA AJUNGKETER YANGLUBA CRICKET MOAPU



Himachal Pradesh kübok Chail tesem nung Chail Cricket moapu noksa nung angur. Iba moapu ya metre 2,444 tashi ajungketer tenem ka nung 1893 küm Chail Military School atema yanglua liasü, aser tang tashi iba moapuji alima nung talangtiba ajungketer yangluba moapu lir ta züngshir.

SUDOKU # 3572

7	4	9		2	5	3	
6	2	8					4
8		4	1	7	9	6	2
	7		2			6	
4	5			9	2		
2			6		5	1	
3		5			4	9	
	5	2		3	8		7
9			4			5	

TELANGZÜBA # 3571

3	7	9	4	1	5	6	2	8
8	1	4	6	3	2	9	5	7
2	6	5	7	9	8	1	4	3
7	5	3	2	6	1	4	8	9
4	2	1	3	8	9	5	7	6
9	8	6	5	4	7	2	3	1
5	9	8	1	7	4	3	6	2
6	4	7	9	2	3	8	1	5
1	3	2	8	5	6	7	9	4

OJANG LUTEP # 4074

- LANAGAND :
- GNUN :
- LECAN :
- ECTELION :
- AKOTK :
- GUNA :
- ITAGET :
- ÜBASO :
- ANKGA :
- NGLJUA :

OJANG LUTEP TELANGZÜBA # 4073

NÜ TARUTSÜ TIAJI TANÜ NAI MERANGA INYAKBA MAPATEM AJANGA LATETTSÜ

Anü ita petinu ajanga alima nung tsüngsang mopung melenshidaksüba ama nisunger tia-a melenshidaksür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdang (Horoscope):



Aries
21/3-19/4

Tesüiba anogotem indang nai shisadangang aser tejakleni oang. Mapa tasak süaka nai inyaktetsü aser nü tashi tanü metettsü.




Taurus
20/4-20/5

Tanü nai timtem kar ajurutsü akok. Rarapangsen nung nai shilem magitsüla aser nü lenmang nung temolung agüjang.



Gemini
21/5-20/6

Nü medemertem den külemi mapa kar inyaksü asoshi tanü anogo tajung asütsü. Tanü nü mapa nung takok angutsü.



Cancer
21/6-22/7

Nai tanü lenisüba shilem agiang aser tasü ita nokdakang. Nü jenjang tajung lir aser nai inyakba mapa nung takok angutsü.



Leo
23/7-22/8

Nai osang kar angashitsü yongya alitsü südi. Nai tanü nükjidong tajung yuang aser nü tashi ajunga agi tejakleni aotsü merangang.



Virgo
23/8-22/9

Nai mapa tembanga inyakba sülenang tangar den tanü nai sensaksem liang. Nü nija asoshi mapa kar inyaktetsü atema anogo tajung lir.



Libra
23/9-22/10

Tanü na asoshi tongtibatiba shilemji tangar nem na mezüngmeshi tesüdaktsü. Aser nü taküm nung temelenshi kar arutsü südi.



Scorpio
23/10-21/11

Temeim, mapa aser senotsü nungi tanü na teyari angutsü. Na pela alitsü asoshi sentong tasen kar yanglua inyakang.



Sagittarius
22/11-21/12

Nü indang mapa tuluba küma odaktsütsü asoshi nai bilemstsü südi. Na tasü itshiang aser nü mapa nung takok angutsü.



Capricorn
22/12-19/1

Nü jenjang angatetsü asoshi nü dak tashi lir. Anungji mapa inyaksü asoshi tanü ya na atema anogo tajung asütsü.



Aquarius
20/1-18/2

Nü medemertem aikadi nü dak metaloka alitsü südi. Nai meima aliba nisung den tanü nai mapang indoktsü anogo tajung asütsü.



Pisces
19/2-20/3

Nai tanü nükjidong tongtetsü aser tarutsü anogotem asoshi mapa kar inyakdangang. Nai inyakba ajunga tarutsü atema tajung asütsü.

Femina Women Awards 2017 nung takok angurtem



Anavila Misra

Manasi Kirloskar

June 30, 2017 (Agencies):

Femina Women Awards ajanga linük nung wadang balala nung tetsür tem rongnungi takotet tem nem tushir agütsür. Femina Women Awards 2017 ya Amyra Dastur aser Tasneem Zakaria-i present süa liasü.

Takok angurtem yamai alitsü:

Femina Women Jury Award For Arts And Design: Anavila Misra

Femina Women Jury Award For Young Business Leader:

Manasi Kirloskar

Femina Women Jury Award For Literary Contribution: Anuja Chauhan

Femina Women Jury Award For Sports: Deepa Malik

Femina Women Jury Award For Education: Aarti Naik

Femina Women Jury Award

For Environment: Basanti Behan

Femina Women Jury Award

For Music And Performing Arts: Neha Bhasin

Femina Women Jury Award

For Social Impact: Revathi Roy
Femina Women Editor's Choice Award For Style: Athiya Shetty

Femina Women Editor's Choice Award For Woman We Love: Seema Rao

Femina Women Editor's Choice Award For Breakthrough Performance In Films: Swara Bhaskar

Femina Recognition In Healthcare: Upasna Kamineni Konidela

Rai, Amitabh, Aamir nunger Oscar Academy nung adentsü jaok

Los Angeles, June 30

(Agencies): Actor Amitabh Bachchan, Aishwarya Rai Bachchan, Aamir Khan, Priyanka Chopra aser Deepika Padukone nunger den külemi director tem Mrinal Sen, Buddhadeb Dasgupta aser Goutam Ghose nunger India nunger tem rongnungi Oscar Academy's 'Class of 2017' nung shilem ka asütsü asoshi jaokogo.

Iba osang ya Bodhbarnü sangdonga liasü.

"Onoki Academy class tasenba pelashishia jaoker," ta Academy of Motion Pictures, Arts and Sciences, tir Cheryl Boone Isaacs-i ashiba official Oscar website nung sangdong.

Alinük 57 nungi züngsem 774 tasen shimogo aser iba ya otsü tasen ka lir.

2015 nungi 2017 tashi nung Academy-i tetsür jaokba shilem 359 agi ajungketba dang masü saka tanak nisungtema tali aniokogo.

India nunger rongnungi maneni actor Irrfan Khan aser Salman Khan, Indian costume designer Arjun Bhasin, director aser writer Anand Patwardhan aser Soonil Taraporevala nungera densema lir.


Maneni India nung asor Mohit Kallianpur aser Mahesh Ramasubramanian nungera exhaustive list nung densema lir. Parnoki Hollywood film "Frozen" aser "Shrek" amala nung animation aser visual effects nung shilem agia liasü.

International jenjang nung actor tem Academy-i tasen jaoker rongnung "Wonder

Woman" actress Gal Gadot, "Moonlight" Oscar nominee Naomie Harris, Donald Glover, Chris Hemsworth, Riz Ahmed, Adam Driver, Dwayne Johnson, Leslie Jones, Betty White, Amy Poehler, Chris Pratt, Anna Faris, Margot Robbie, Channing Tatum, Kristen Stewart, Shailene Woodley, Ruth Negga, aser Rupert Grint nungera densema lir.

Director temrongnung Barry Jenkins, Jordan Peele, David Ayer, Theodore Melfi aser Russo brothers densema lir.

Academy-i züngsem tasentem shilem balala 7 lemsar shimok. Itemji actors, casting directors, costume designers, designers, documentary, executives aser film editors tem lir.



Anurag Basu indang 'Jagga Jasoos' film ya July 14, 2017 nung sayatsü lir. Iba 'musical adventure' film nung tongti shilem agir Ranbir Kapoor aser Katrina Kaif na indang 'teaser' aser ken tem ajanga nüburtem aika puadaktsüogo. Osang ajanga ashiba agi iba film nung ken 29 lir aser iba film nung 'dialogue' ya timba Ranbir Kapoor-i ken ama adener.

TAN HOPTA ATEMA - KOMA SÜLA ?

Q. Nagaland nung election timi magiba anema Arogotemi ola madok dang yutsü nunga koma süla ?

Olong 20 shi nung June 30, 2017 tashi nung iba telangzüba ya onok dangi e-mail - tiryimiyim@gmail.com mesüra SMS - 9856121232 / 9436072422 mesüra Tir Yimiyim Facebook account ajanga yokang. Telangzübatemji taruba Deobarnü adoktsütsü.



Hokolbarnü Mumbai nung tangar memenepba tanurtem den sentong ka nung Bollywood actor Tiger Shroff-i shilem agiba noksa nung angur. (Mumbai, June 30)

Facebook indang drone takok ngua tendangtetogo

Arizona, June 30 (Agencies): Anü tashi amshia anü nung yimdaktsüba drone tanabuba Facebook ajanga takok ngua tendangtetogo aser iba drone ajanga alima tezülen aliba tesemtem nung network agütsütsü.

Tanü tendangba drone tenü nung ya Aquila jatsü aser iba drone ya Arizona nung ghonda ka ser minute 46 yima senzü.

Taoba küm Aquila ya anü nung yima senzüba mapang mopung tesashi aonba ajanga autopilot system ajanga control mesüteti tsükoka liasü.

Tanu iba drone ya ali nungi feet 3,000 pilar yima senzü saka Facebook nükjidongbo iba drone ya ali nungi feet 60,000 pilar yimdaktsütsü lir.

Facebook-i iba amala drone ya aika anü nung ita junga jaja laser amshia osang balala

belenshitsu nükjidong lir.

Osang ajanga ashiba agi iba drone ya May ita nung tendanga liasü saka tanü ang nisungtemi meteta anü nung jajadaktüsü.

Taoba mapang iba drone ya takok ngua tendangtetogo ta sangdonga liasü saka National Transportation Safety Board ajanga bushisüngdangba sülen iba drone ya ali nung tsükok, ta osang temai adok.

Dual Pixel CMOS AF aketba Canon EOS 200D sayaogo



June 30, 2017 (Agencies): EOS DSLR range nung EOS 200D camera sayaba osang ka Canon Inc. ajanga sangdong. Iba DSLR nung Dual Pixel CMOS AF, 24.2-megapixel APS-C CMOS sensor aser tang tasenba DIGIC 7 image processor keta lir.

EOS 200D nung high-resolution 24.2-megapixel APS-C size CMOS sensor keta aliba ajanga noksa crop asüba mapang noksa indang quality meraksar.

Camera aika nung noksa tangokba mapang tesangwa peria malidak shutter tekara masüba ajanga noksa jangja madoker saka Canon EOS 200D camera nung DIGIC 7 image processor tasenba aliba ajanga ISO speed ya 25600 tashi tongteter. Iba ajanga 'motion blur' tajemba

kümdaktsür.

Canon-i yangluba Dual Pixel CMOS AF ajanga camera-i Live View mapang kanga kera focus süteter. Live View Servo AF ajanga noksa tanen maka tangokba indang speed ya 3.5 frames per second (fps) kümdaktsür. Camera indang lens nung Stepping Motors (STM) inokba ajanga video tajungba nung agiteter.

Canon EOS 200D camera nung Vari-angle touch screen LCD monitor keta lir. Iba Vari-angle LCD monitor aser Dual Pixel CMOS AF aliba ajanga EOS 200D camera nung movie ya 60p nung full HD tangokteter.

Iba camera nung 'pictorial user interface' keta lir aser iba ajanga noksa tangoktsü junga memetet alir nem teyari aser

tesayuba agütsür.

Selfie Mode nung background defocus, brightness aser smooth skin effect nung amala settings ya pa-sasa yanglur.

Iba Canon EOS 200D camera ya sentsü tanak nung angutsü.

Canon EOS 200D nung Wi-Fi aser NFC connectivity lir aser iba ajanga noksa aser video tem ya phone amala smart device dangi belenshitsu akoker aser Canon Image Gateway, social media aser cloud storage nung upload süteter.

Canon Camera Connect indang app amshiba ajanga camera nung shutter speed, focus selection aser self-timer amala settings ya camera amshiri control asütsü akoker. Wi-Fi amshitsu asoshi button temeja balaka inokja lir.

Iba camera nung low energy technology amshia Bluetooth inoka lir aser iba ajanga tanga device den noksa aser video melentepba mapang battery ajema agir.

Iba Canon EOS 200D ya TV mesüra projector den connect sür lia smart device amshia control asütsü akoker.

Iba EOS 200D camera den EF-S18-55 IS STM lens densema sen 47,495 agi angur. Iba camera den EF-S18-55 IS STM + EF-S55-250 IS STM lens denra sen 60,495 agi angur.

Germany nung social media senchi sen euro million 50 achitsü

Berlin, June 30 (Agencies): Germany nung amshiba social media balala nung mapang shidak nung ozüngi memelaba noksa aser video amala mapang shidak nung meindokra senchi sen euro million 50 (\$57.1 million) achitsü.

October nungi tenzüka Facebook, YouTube aser iba amala social media balala nung tangar anema o jembiba mesüra nisung tepseta mapa tamajung inyakba noksa aser video amala posts tem ghonda 24 tsüngda indoktsü. Iba temzüng tasenba ya alima nung tesashitiba lir.

Iba temzüng nung aliba ama meinyakra senchi sen euro million 5 achitsü aser item posts tem dak ajemdaker iba temerenshi senchi ya sen euro million 50 tashi atutsü.

"Sorkar, lokdi aser industry külemi amteper inyakba ajanga tebilemstütem ya koktetsü imlar," ta Facebook ajanga sangdong.

Ita ka shi iba onük shisadanga arur Germany nung aliba Parliament züngsem temi

Netzwerkdurchsetzungsgesetz (NetzDG) temzüng amshitsu atema vote agütsü.

Saka iba temzüng ya nübur asoshi temeden jembir aser industry representative ajanga aitsüogo.

Parnoki ashiba agi, item noksa indoktsü asoshi mapang kanga ajema agütsür aser technology company temi item noksa, video aser onük tem indokdang tongtipang osang aser tetezü tajung aketba indoktsü südi.

Iba temzüng ya German federal election September nung agiba sülen amshitsu.

Germany nung Facebook amshir million 30 lir aser iba amala temzüng ya yimden yimsüsüba menden nungi metenzükra tamakoktsü asütsü, ta Justice Minister, Heiko Maas-i ashi.

Iba amala temzüng ajanga tebilemstü ajungba bo mokoktetsü saka social media nung tangar anema o tamajung jembiba azüoktetsü, aser iba tebilemstü ya linük nung tali kümogo, ta pai shisem.

UK indang temaba engineering award Raspberry Pi-i angu



London, June 30 (Agencies): Raspberry Pi nem UK indang temaba engineering award agütsü. Royal Academy of Engineering indang MacRobert Prize ya London nung sentong ka nung Brehostibar aonung agütsü.

Raspberry ajanga final nung cyber-security company, Darktrace aser radiotherapy yangluteter Vision RT ajunga dang temaba jenjang nguteta iba sempet ya angu.

Iba award ya 1969 nungi tenzüka agütsür aser taoba mapang nung CT (computerised tomography) scanner; Severn Bridge aser Cambridge nung aliba Microsoft nungi telok kati Kinect motion sensor purapitetba telok nem agüja lir.

Lanurtemi programming angazüktsü ajungshitsu asoshi iba computer tila ya scientist telok kar aser Cambridge University nung tesayurtemi yanglutet.

Iba computer tila ya meyirjang ishikabo yoktetsü südi, ta parnoki bilema liasü saka tang tashi nung iba computer million 14 dak tali yoktetero aser iba Pi ya factory, classroom aser kidang kanga sabua amshir.

Pi Zero ya tanga computer dang tilaba aser jenjang talangba lir. Raspberry Pi ya British nung computer ayokba puti ostü nung tajungtiba lir. Iba computer ya Amstrad aser Sinclair indang ZX Spectrum amala computer ajateta kümogo.



June 30, 2017 nü Bogor, West Java nung aliba Presidential palace nung Indonesia Tir, Joko Widodo aser taoba former U.S. Tir, Barack Obama na golf cart ka nung mener aodang agiba noksa ka angur.



Kolkata (West Bengal), June 30, 2017: Hokolbarnü Kolkata nung linük Tir, Pranab Mukherjee-i Bengali Newspaper küm 200 ajungba benjungmung nung kaket ka sayatsüba noksa nung angur. Kasa noksa nungsa West Bengal Angh, Keshari Nath Tripathi den tanga ketdangsertema angur. Iba sentong ya Press Club of Kolkata-i ayongzuka liasü.

2017 küm India aser 1962 küm India na balala: Arun Jaitley

New Delhi, June 30 (Agencies): China-i Indian Army dang, taoba mapang atalokba nungi tangazükba akatsüla (1962 rara), ta ashiba sülen anogo ka lir tanü Union Defence Minister, Arun Jaitley-i, 2017 küm India ya 1962 küm India dang nungi balaka, ta metetdaksü.

Sikkim nung India aser China sepaitem rara adoktsüsa aliba mapang ka nung China

Foreign Ministry aser Defence ministry napronglai Indian Army temi ozüing alema China litsüi aiter, ta aija liasü.

India Today's Midnight Conclave sentong nung jembidang Arun Jaitley-i, "Parnoki (China) asenok dang ibaji (1962 küm rara) nenshia metetdaksütsü merangra, '1962 küm India jenjang aser tanü India jenjang na balala," ta ashi.

Donglong nung China-i gari

lenmang yangluba Indian army temi nokdangba sülen linük ana sepaitem ana tsüingda raratsüsa tensa ka ajurua liasü.

Donglong ya China aser Bhutan na tsüingda aliba mangatetep tesem ka lir.

Jammu & Kashmir nungi Arunachal Pradesh tashi nung India aser China na arrtsü kilometer 3,488 lir, aser iba nungjagi kilometer 220 bo Sikkim nung lir.

GST dak sendakba nung Cong-i video ka ajanga PM Modi aitsü

New Delhi, June 30 (Agencies): Hokolbar ayaterm nung Parliament House, New Delhi nung BJP-i aniba Centre sorkari linük nung Goods and Services Tax (GST) tenzüksü lia Hokolbarnü Congress Party-i Ato kilonser, Narendra Modi indang video tejen ka lemsatop, aser iba video nungji Modi-i, "GST ya kodanga takok mangutsü," ta jembia lir.

Video clip nungji Congress-i yamai zülua lir, "Modi aser BJP-i GST indang yamai bilemer."

Ghonda ishika lir Ato kilonser, Modi-i linük nung GST tenzüksütsü lia Congress-i iba video clip lemsatopogo.

Tamalen Narendra Modi Gujarat Chief Minister inyakdang tangokba video nungji Modi-i, "GST dak sendakba nung, tetenzük nungi BJP aser Gujarat sorkar

tangatetbaji- GST ya kodanga takok ngua meinyaktetsü. GST ya tamakoktsü," ta jembia lir.

Video caption nungji Congress-i, "Modi, kechiba nai jembiba o nai kanga keraa amadoker? Infrastructure junga makai kechiba nai GST tenzüker?" ta asüingdang.

Video nungjisa Modi-i, "Linük tesem ajungalen saru agütsürtem indang IT infrastructure network mali tashibo GST ya mapa kuma meinyakatetsü. Iba ya tamakoktsü, kechiyong GST ji yamaji yanglua lir. Tamakoktsü," ta jembia lir.

Yashi Congress-i, party-i ayaterm nung GST tenzüksü lemtetogo, ta sangdonga liasü.

Yashi New Delhi nung osangbenertem senden ka nung Congress lenir, Ajay Maken-i,

"Tang aliba GST format ya ajangabo tilateri shishilembartem takoksa ngudaksüba dang masü saka mapa manguba tebilemtsü tulu adokdaksütsü," ta shia liasü.

Maken-isa, saru inyakyim tassenba GST ji kanga meraketa tenzüksü BJP-i aniba NDA-i iba ya junga merenem, ta ashi.

Union finance minister, Arun Jaitley lenisüba kübok GST Council-i saru telemsa pezü kuma GST inyakyim junga meyangu, aser ibaji ajanga saru tezübaba akümtsü masü saka tebenjaba akümtsü, ta Maken-i jembia liasü.

"Saru inyakyim tebenja masütsü atema GST kübok saru telemsaji ana dang asütsüla asü. Malaysia aser Singapore ama linüktem nung GST kübok saru ka dang benoka inyaker," ta paisa shisem.

Ayaterm nung GST sentong ayongba ya ajanga 1947 küm mezüingmeshir: Cong

New Delhi, June 30 (Agencies): Hokolbar ayaterm nung GST tenzüksü sentong nung madentsü Congress-i lemtetba pusema tanü Congress-i, ayaterm nung Parliament nung GST sentong ayongzükba ya 1947 küm mezüingmeshir ka lir, ta metetdaksü.

1947 küm August 14 ayaterm nung linük nung mezüingbuba Ato kilonser, Jawaharlal Nehru-i Parliament Central Hall nung 'tryst with destiny' onük jembia liasü, aser iba aonung British yimsüsüba nungi India nüjiso anguba sangdong.

New Delhi, Hotel Taj Mansingh nung ayongba India Today's Midnight Conclave sentong nung Rajdeep Sardesia dang Congress lenir tain, Anand Sharma-i, "Ayaterm nung GST tenzüksü ya 1947 küm mezüingmeshir ka lir," ta ashi.

Sharma-isa, BJP-i aniba NDA sorkari ayaterm nungang Parliament nung saru inyakyim

tassenba GST sangdongtsü lemtetba ya nüburtem dang balala sayatsü ayongba ka lir, ta ashi.

Sharma-i ashiba agi, GST ya Congress sorkar tashi nung alidang benok, ajisüaika BJP-i kanga anema aru.

"Modi Chief Minister inyakdang pai teti GST anema nokdak," ta paisa ashi.

Congress lenirisa, Ato kilonser, Narendra Modi-i haachiba dena BJP-i putiotsü ka kümdaksür, ta ashi.

Ano külen tanga osang ka nung tanü Congress tatong Tir, Rahul Gandhi-i Centre sorkar aija, Good and Services Tax (GST) ya tashimait aser nübur atema mebilemtsüba sorkar kati benoker, ta ashi.

Rahul-i, GST ya Congress-i mezüing benoka liasü aser tetenzük nungi iba ya pusema liasü, ajisüaika demonetization den kasa GST ya junga merenemi tenzüker, ta aitsü.



Ahmedabad, June 30, 2017: Opposition Party temi shimba linük Tir candidate, Meira Kumar-i Hokolbarnü Ahmedabad nung aliba Gandhi Ashram semdangdang lai ang-ainba noksa nung angur.

Pakistan-i PM Modi-i aniba India den junga meinyakteter: Dawn

Islamabad/New Delhi, June 30 (Agencies): Jammu & Kashmir onük nung United States-i India den senteper inyaktsü telemtetba agibaji ajanga 'Pakistan-i Ato kilonser, Narendra Modi-i aniba India den junga meinyakteterba temaitsü sayur', ta Hokolbarnü Pakistan nung osangkaket ka ajanga metetdaksü.

Pakistan nung osangkaket, Dawn yimobilem ajanga, "Akhidang nungi US-i Pakistan aser India na dang ken o jembiba ajanga linük ana tsüingda mangatetep ken o ajak bentetsü ajungshia arur. Ajisüaika Jammu & Kashmir mangatetep ken o nung US-i India den ka kümra iba tajungshibaji tetezü makai akümtsü," ta ashi.

Kasa osangkaket ajanga, Kashmir onük nung India anema inyaktsü densema alima linüktem nem angatetdaksütsü atema Pakistan-i tayongzükba aika ajangshir, ta ashi.

"Civil-military tesendaktep

inyakyim nung tashimait, security amenoktsü atema memelunger mesüra PML-N sorkar, Pakistan-i Ato kilonser Modi yimsüsüba mapang nung India den junga meinyakteter," ta Dawn osangkaket ajanga ashi.

US State Department-i Pakistan nung amenoka aliba Kashmiri separatist lenir, Syed Salahuddin ya alima nung kiralongrar ka lir ta züingoka sangdongba dak sendakba nung Dawn-i Pakistan dang melungmasüba o jembia.

Tawa US yimtiba, Washington nung US Tir, Donald Trump aser India Ato kilonser, Narendra Modi na ajurua senden amentsü ghonda ishika dang lia Syed ya alima nung kiralongrar ka, ta US-i sangdonga liasü.

Lenir ana senden amenba sülen linük ana külem sangdong ka ajanga, arrtsü adener kiralongra inyaktsü atema Pakistan-i kiralongrartem nem pei litsü mamshidaksütsüla, ta metetdakja liasü.



Moradabad, June 30, 2017: Hokolbarnü ayaterm nung sorkari Service & Goods Tax tenzüksü lia tanü Uttar Pradesh, Moradabad nung shishilembartemi shishilembabba tesemtem shibanger Goods and Services Tax anema longlak aitba noksa nung angur.



Paris, June 30, 2017: Hokolbarnü France yimtiba, Paris nung Hotel des Invalides nung France Tir, Emmanuel Macron aser France Armed Forces Minister, Florence Parly na military sentong ka nung adenba noksa nung angur.

Al Jazeera shibangtsü takhangba agütsüba aitsür

June 30, 2017 (Agencies): Saudi Arabia-i anir linük kari Al Jazeera shibangtsü ahangba ya 'freedom of expression & opinion' temeden agientsütsü merangba lir, ta United Nation (UN) indang High Commissioner, Zeid Ra'ad al-Hussein-i aitsü.

Al Jazeera network aser iba nung sendaka aliba osang abenba shibangtsü asoshi Quatar dang ahangba asoshi Zeid-i süoki ia bilemer, ta Hussein indang odongtar, Rupert Colville-i Hokolbarnü ashi.

"Nai iba osang abenba network ya saklokang tesaklok, Al Jazeera indang Arabic aser English channel tejangja aser temeden lir, aser iba channel repranger million aika lir," ta Colville-i ashi.

Saudi Arabia, UAE, Bahrain

aser Egypt linük temi Qatar den June 5 nü tesendaktep sala aser kiralongrar yarir, ta aija tenokdangba aika agüja lir, saka Doha-i item taitüsü ya tiazü aser kuli tejangja mali, ta ashir.

Item Saudi Arabia-i aniba linük-i Qatar dang anogo ter tsüngta iba osang abenba channel shibangtsü, Turkey indang mitkar aliba tesem shibangtsü aser Iran den tesendaktep ajunga salatsü asoshi takhangba agüja lir. Qatar-i inyaksü asoshi item linük ajanga takhangba 13 aküja lir.

Iba osang abenba channel ya kisung masü saka Qatar-i senotsü agi yarir südi ta temolung malemba Arabi21, Rassd, Al Araby Al Jadeed, Mekameleen aser Middle East Eye amala osang abenba channel tem shibangtsü asoshi item linük-i shia lir.

"Television channel den mangatettep lira item onüktem ji angatetteptsü asoshi tema nung adoka jembitsü tashi aser temeden lir, saka item channel tem shibangtsü ashiba ya tesungmangtsü aser kuli kicha mali," ta Colville-i shisem.

Saudi-i aniba linük temi ahangba ya tanga kicha masü saka pei tebilemba lemsatsü temeden agientsü merangba lir aser nürburtem indang 'right to information' anendaktsür lir, ta Al Jazeera-i ashi.

Qatar-i senotsü teyari agüja inyadaktsüba osang abenba channel tem shibangdaksütsü asoshi takhangba agütsüba ya anentsüla, ta Committee to Protect Journalists (CPJ) ajanga ajungshir.

Hombarnüa iba kasa aitsüba ola ya osang abenba company 80 dak tali-i adokogo.

Iraq nung tetsür ka nem lar jabaso shi chidaktsü

Baghdad, June 30 (Agencies): Islamic State (ISIS) temi pua aliba tetsür ka nem lai jabaso arishi küm ka tain indang shi chidaktsü.

Iba osang ya Iraq nung Parliament züngsem, Vian Dakhill-i ashi.

ISIS telok nungi tanaben rakzüktetba tetsür kati ashiba agi, la ya ki ka nung anogo asem tashi chiyongtsü kicha

magütsü shibanga ayu. La ya iba sülen ki nungi lapoka aniteta shi aser chi agütsü. Iba tetsürlai chi chiyongba sülen iba chiyongtsü nung kechi aliar la dang ISIS temi ashi.

"La chi chiyongzüka sülen parnoki la dang, onoki nü dak nungi rakzüka nür jabaso arishi küm ka tain du aso aser nai tang achiba ji aji lir, ta ashi", ta Dakhill-

i osangbener dang ashi. Iba tetsürla ya Yazidi community nungi lir aser item nisungtem ya temenen külemertem lir, ta ISIS temi ashir. ISIS temi Yazidi nisungtem ya meyirjang aika reshikangshia amshi aser aika tepset, iba den külemi tetsürtem aser tanurtem ya parnoki shi nung medemtsü asoshi alar ama amshir.



Hongkong, June 30, 2017: British nunger yimsüsüba kübok aliba Hongkong, China linük nem agütsüba sülen küm 20 ajungba benjungmung dak sendakba 'Variety show' ka tembangba sülen China Tir, Xi Jinping-i lokti dak teka ayiploktsüba noksa nung angur.

MOLUNGNEN O



Tasoba:
13:11:1930

Tasüba:
26:06:2017

Onoki teti meima aliba ojala, **Sentiyula** (asür Sentiyongdang kinungtsü) shirangba mapang nungi Dimapur nung June 26, 2017 nü lai iba akümüli toktsür aoba anogo nung aser la temang Mokokchung-i bener atuba tashi nenok kwikati ozü kibong den sarasadem aser temeim agi yaritepogo, nenok ajak dang tebang agi meshitetba tepela iba sangdong ajanga lemsateper.

Onoki iba tesama tulu ajurua aliba mapang nenok teyari ajanga tashi tasen agütsüba asoshi onoki kangasa pelar ta nenok ajak dang metetdaksür.

Tsüngrem temoatsü nenok den teti liangma.

- Temeim kinungertem.

TEPELA LEMSATEPER

Tzümok Kong Ward, Changtongya town nung June 10, 2017 anogo nung yipru mopong tulu aitba lendong nung kiojen raksatsür kanga timtema aliba mapang, Akhoya Senso Telongjem Dimapur ajanga rongsen tenla tulu agüja yariba ajanga timtem takoksa ngur aliba kibongtem anisungzük teyari tulu nguogo.

Iba ama aria bilem temeim mapa tajung asoshi Tzümok Kong Ward yimdeni parnok dang kanga pelaba lemsateper. Tsüngremi Akhoya Senso Telongjem Dimapur maparen ajak nung ano maneni nübortem ajak asoshi moajangma.

Sd/-
L.TONGDANG
Chairman,

Sd/-
M.CHUBA
Secretary,

Tzümok Kong Ward, Changtongya town.

Germany Parl-i kasa o kasa na kibong akümtsü agizükogo

Berlin, Jun 30 (Agencies): Hokolbarnü Germany Parliament-i vote agütsütepba nung vote shilem aikati kasa tetsür o tetsür na aser tebur o tebur kibong akümtsü ozüing ajanga agizükogo.

Iba jakdang Germany Chancellor, Angela Merkel-i lar Conservative bloc dang party sasep nung masü saka peipei tangatetba nung ajemdaker vote agüjang, ta metetdakja liasü.

Taküm September ita 24 nü national election nung Merkel-i pezübenbuba inyaksü atema tokteptsü tebilemba lir.

Vote agütsüatepba sülen osanbenertem den jembidang lai, laibo iba anema vote agütsü, kechiyong Germany nunger ozüing kübok kibong akumba ya tetsür ka aser tebur ka na tsüngda lir, ta metetdaksü.

Ajisüaka la tangatetba/ telemtetbaji la nija sasep nung lir, ta ashi.

"Hokolbarnü vote ajanga tangatetba balala akhümtsübutepba dang masü saka loktiliba nunga yimjung bener arutsütsü ta ni imlar," ta lai ashi.

Parliament nung nisung 393-i kasa o kasa na kibong akümtsü melatsü atema vote agütsü aser nisung 226-i ibaji anema vote agütsü.

France, Britain aser Spain linüktem densema Europe nung linük aikati kasa o kasa na kibong akümtsü agizükogo.

Tanü vote agütsütepba "marriage for all" ozüing ajanga Centre-left SPD jenjang ajungtsü amai bilemer. Taküm küm tetenzüklen election nungbo parnok jenjang junga liasü, ajisüaka ibaji ita ishika atema dang liasü.

July 7, 2017 anogo sülen kasa o kasa na kibong akümtsü temelaba ozüing nung linük Merkel-i sign asütsü imlar.

Happy Birthday

TENÜNG : TEMSUSENLA
 Tasoba anogo : July 01
 Talidak : Borlingri, Dimapur
 Kum : 1
 Jala Sensen Tsüngremi kum 1 tashi anema toktsüba asoshi Tsüngrem tenüing asanger, ano maneni Tsüngremi arishi talang moajangma ta sarasademtsur

- Temeim ,oja,oba aser kinungertem



**GST
LAUNCHED
TODAY**

SUPPORT SERVICES IN NAGALAND



COMMISSIONER OF TAXES
GOVERNMENT OF NAGALAND

gst.gov.in | nagalandtax.nic.in | cbec.gov.in

Follow us on Twitter@AskGST_Nagaland

1 FACILITATION CENTRE FOR ALL CITIZENS

This facility provides computers with internet connectivity and trained personnel to assist any interested person. It will be functional during office hours on all working days- free of cost.

a) Services that can be availed:

MIGRATION, REGISTRATION, RETURNS, PAYMENTS, etc.

b) Locations:

Commissioner of Taxes , Training Centre, Opp. DC Office, Dimapur	Deputy Commissioner of Taxes , Sangtemla Ward, Mokokchung	Deputy Commissioner of Taxes , Lengrijan, Dimapur
Deputy Commissioner of Taxes, Below Commissioner's Office, Kohima	Superintendent of Taxes, Kuthur Road, Tuensang	Superintendent of Taxes, Bethel Colony, Phok
Superintendent of Taxes, Tsumang A, Wokha	Superintendent of Taxes, New Site, Above St. John School, Mon	Superintendent of Taxes, Below Ao Church, Zunheboto
Inspector of Taxes, Near Deputy Commissioner's Office, Kiphire	Inspector of Taxes, Deputy Commissioner's Office, Longleng	Inspector of Taxes, Deputy Commissioner's Office, Peren

2 WALK-IN TRAINING FACILITY

Hands on training session for interested citizens on REGISTRATION, RETURNS & PAYMENTS. Functional on all working days from 1st July 2017 - free of cost.

Locations:

Deputy Commissioner of Taxes , Lengrijan,Dimapur	Deputy Commissioner of Taxes , Sangtemla Ward, Mokokchung	Deputy Commissioner of Taxes , Below Commissioner's Office, Kohima
Superintendent of Taxes, Tsumang A, Wokha	Superintendent of Taxes, Kuthur Road, Tuensang	Superintendent of Taxes, Bethel Colony, Phok
Superintendent of Taxes, New Site, Above St. John School, Mon	Superintendent of Taxes, Below Ao Church, Zunheboto	
Inspector of Taxes, Near Deputy Commissioner's Office, Kiphire	Inspector of Taxes, Deputy Commissioner's Office, Longleng	Inspector of Taxes, Deputy Commissioner's Office, Peren

3 HELPDESK : Functional round the clock

For any assistance with the GSTN Common portal:

Helpline: **0120-4888999** | Email: helpdesk@gst.gov.in

For all queries related to State GST in Nagaland Ph: **03862-248543** (Office hours)

For all queries related to Central GST in Nagaland Ph: **03862-224171** (Office hours)

4 GRIEVANCE REDRESSAL

Any complaints or grievances may be communicated to:

Email: gst.nagaland@yahoo.com

Phone: **7005084110** (Call, SMS, WhatsApp)

"With you all the way, for a seamless transition to GST"

Manipur nung AR sepai kapokset
Imphal, June 30 (Agencies):
Hokolbarnü Manipur nung
telungpurtemi Improvised
Explosive Device (IED) ka
pokdaksüdang Assam Rifles sepai
ka pokset.

IED ji Ramva nung aliba 27
Assam Rifles check post nung yuja
liasü aser tanep 7:20 ako meta apok.

Ukhrul district kübok bomb
apokba sülen police aser Assam
Rifles-i iba tesem nung mita aotsü
tenzüokogo.

METONGSHIR

08-06-2017 nung Tender Notice No.
Medical-03-2017 agütsüba metongshir.

Anogo 08-06- 2017 nü
sangdong agütsüba Tender Notice
No. Medical-03 nung Dimapur
Railway area nung Name of work:
"Removal and disposal of garbage"
ta alibaji contract agütsüba anogo
nungi tenzüker küm 03 atema asütsü
ta bendenloker.

Inyakyim nung aliba ama GST alitsü.
Tanüngba terms & conditions
memelenshii kasa dang asütsü.

Chief Medical Superintendent
Lumding



NORTHEAST FRONTIER RAILWAY

OFFICE OF THE VILLAGE COUNCIL LAKHUNI

P.O:Mangkolemba,B.P.O:Alongtaki
Dist:Mokokchung Nagaland.

Ref.No...d..

Date:20/6/17

SANGDONGER

Shri. **Nokzangluba Langu**, Lakhuni S/O Late. Tekaba Langu, pai Lakhuni
Yimten sobaliba anema mapa tamajung inyaknung tanü 27/6/2017 nungi
yimten den tangatetep ka dangi maru tashi pa dak sendakba ken o kecha
nunga Risk magir, aser yimten temelaba makai Lakhuni lushii aittsü
memelar.

Mr.Tekatemsu Langu
Secretary
Village Council Lakhuni

Mr.Lanuyanger Langu
Chairman
Village Council Lakhuni

OFFICE OF THE SANGTEMLA WARD MOKOKCHUNG, NAGALAND SANGDONGER

23rd June 2017 aonung Sangtemla ward nung Mr. Sentilong
Mopungchuket tepsetba atema Sangtemla Ward yimteni 30/6/17
anogo met pur Mr. Imtinungsang s/o Akoknukshi Ungma aser Mr.
Zulutemjen s/o Yashirangba Longmisa, tena dang Sangtemla ward
menentsüba atema Ak kaka achi.

Sd/-
I.Tali Longkumer
Chairman

Sd/-
Sangkong Jamir
Secretary.

OFFICE OF THE CHUCHUYIMPANG WATSÜ TELONGJEM MOKOKCHUNG, NAGALAND. **PELABA LEMSATEPER**

June 26, 2017 anogo küm pezü tetsür chanu rape süa taküm
raksatsüba anema temeden bushitepba maparen nung yariteper
District Administration, Watsü Mungdang, Ongpangkong Watsü
Mungdang, Mokokchung Police, Doctors aser Nurses ajak dang
pelaba lemsateper.

Tsüngremi nenok tarutsü wadang maneni moajangma.

Sd/-
I. Zulu Imsong
Chairman
Chuchuyimpang
Village Council

Sd/-
Temjensangba
President
Chuchuyimpang
Kaketshir Telongjem

Sd/-
Tatongjungla
President

GOVERNMENT OF NAGALAND DIRECTORATE OF TECHNICAL EDUCATION NAGALAND : KOHIMA

Dated, Kohima the 30th June, 2017.

NOTIFICATION

NO.DTE/ESTT-2/3/2016-17: In continuation of this office
NOTIFICATION of even number dated, 10th March '2017 it is to inform
that there are still seats available in respect of 3 years Diploma
courses outside the State during 2017-18 session under the
following courses as listed below.

1. Electrical & Electronics
2. Electronics & communication.
3. Automobile Engg.
4. Architecture Assistantship
5. Electronics & Telecommunication.
6. Comp. Aided Costume design & Dress making.
7. Computer Science & Engg.
8. Herbal Technology.
9. Garment & Fashion Technology.

ELIGIBILITY:-

1. Must have passed 10th standard with 40% in Maths & Science together for ST Candidates and 50% for General Candidates.
2. Must be an Indian citizen.

Interested candidates may apply for the courses through
application in plain paper. Last date for submission of
application along with all the necessary documents to the office
of the under signed is on or before 7th July '2017.

(ER. ARJUN SINGH)
Director.

Issued by DIPR

GOVERNMENT OF NAGALAND DIRECTORATE OF HEALTH & FAMILY WELFARE NAGALAND: KOHIMA

No. DHFW-5/D.Pharm/Part-II/2041/

Dated, Kohima 30th June 2017

ADVERTISEMENT

Directorate of Health & Family Welfare, invites interested local candidates to undergo 2 (two) years
Diploma in Pharmacy course for the academic session 2017-18 at Regional Institute of Pharmaceutical
Science & Technology (RIPSAT), Abhoyanagar, Agartala. The last date for submission of application is
14th July 2017. Short listing criteria and other details are as follows:

1. 2 (Two) Nos. of Seats available.
2. Applicant should have cleared HSSLC (10+2) in Science Stream with minimum 50% marks aggregate for General Category and 40% (Physics/Chemistry/Biology) in case of SC/ST candidates.
3. All relevant documents: HSLC & HSSLC Admit card, Mark sheet, Certificates, SC/ST Certificates, 2 recent Passport size Photo, should be enclosed along with the application with complete address and contact no.
4. The maximum age limit is 25 years on or before **1st August 2017**.
5. Commencement of Course: **3rd August 2017**.
6. Date of Interview: **20th July 2017 at 10:00 A.M.**
7. Venue : **IDSP Conference Hall, Directorate of Health & Family Welfare, Kohima.**

SD/-

DR. N. BENDANGYANGER JAMIR
Director & HOD, Dte. of Health & Family Welfare
Nagaland, Kohima.

Issued by: DIPR

United Soyim Club-i 2nd SSS football asayamung kokogo



2buba SSS football asayamung nung tematiba takok angur United Soyim Club asayatem den tajungshi o jembir Wb. Imlikokba Imsong Tatar aser SSS ketdangsertem noksa nung angur. Ungma, June 30, 2017

Ungma, June 30 (TYO): June 28 nungi tenzuka anogo asemnu tashi Sports Society Soyim (SSS)-i ayongzuka yangi Senayangba Govt. Hr. Sec. School ground Ungma nung 2buba SSS football tournament 2017 takok ngua mungogo.

Takum iba asayamung nung Ungma yimtsung nungi club 9 nungi asayar 180-i shilem agia asayaogo. Item club rongnung United Soyim Club o Young Naga Club na tesusabuba jenjang tongteta tena final asayaba nung United Soyim Club-i goal 2-1 agi Young Naga Club madak takok ngua 2buba SSS Football asayamung parnoki benogo.

Takok angur nem senpet sen

den kuli kakat tajung kaka agutsu. Iba den ano nija sempet; Highest Scorer- Arenjenba (Season Star) aser Suyimayang (Salukum Rogo) nati agizuk, Best Keeper- Imkumer (Longtrok Senden), Best Midfield- Chubalemba (Oriental Club), Player of the tournament - Marliba (Young Naga Club), Best Defender- Pangeronen (Season Star), Best Striker- Maongkaba (Evergreen Club) nungertemi agizuka liasi aser Best Discipline team-Mayang Rugo Club-i angu.

Tatembang sentong nung tajungshi o jembir Wb. Imlikokba Imsong Tatar-i jembidang, Dr. T. Ao-i pei tazungba nung medical doctor jenjang tashi

ajangzuktetba den football takok ngua asayaba ama, lanurtemi pa nungi tatishitsu tajung agia meranga asayatsü asoshi ajungshia liasi.

Lanur sempet aketer tajung aika adokdaki, anungji azümesen melii jenjang tuluba nung asayatsüsa nukla tulu yur meranga asayatsü asoshi paisa ajungshi.

Asayaba mapang pei kija atema dang masü saka tangar atemaa bilemtsüla, kechiaser football ama asaya ka nungbo kija ajungba agi dangbo tangar memenepsü, anungji aroki shilem junga agiba nungji takokji lir, ta paisa asayatem ayongzuka liasi.

Gari tsüktepba ya Venus Williams tai: Police

Florida, June 30 (Agencies): Nüngtugu tennis asayar Venus Williams indang gari aser tanga gari ka Florida nung June 9 anogo tsüktepba lendong nung tanga gari nung mena aliba nisung ka asü aser iba lendong nung Venus ya tai liasi, ta police temi bushisündangba osang Brehostibarnü sangdongba nung shia lir.

Iba lendong ya Williams'er ki aliba Palm Beach Garden nung adalok aser arishi küm 37 tain, Williams ya Wimbledon nung taruba hopta nungi asayatsü renemshiba mapang adalok.

Lenmang pezü ajuruteba nung tanga gari nem Williams-i len maitsüba ajanga iba lendong ya adalok, ta police osang ajanga ash. 'Green light' agütsüba sülen

arishi küm 68 tain, Linda Barson ya iba lemjem ajanagsü asoshi aoba mapang Williams indang gari ya lenmang balaka nungi aitba ajanga iba gari mazüokteti tsüktep, ta police temi bushitet.

Barson aotsü asoshi 'green light' sayua aliba mapang Williams gari ya iba lenmang tejakleni aru, ta iba lendong indang tenük kuli alir kati police dang ash.

'Green light' aliba ajanga lenmang balaka nungi arua tangar gari odaktsüsü ata, aser iba sülen Barson aruba ya mangu abuso, ta Williams-i police dang ash.

Barson indang gari nung mena alisang ya arishi küm 78 tain, Jerome Barson, ta jangjaogo aser pa ya Florida indang trauma center-i anir ao aser anogo 13 lir asü, ta Palm Beach county nung

doctor kati ash.

Police osang ajanga ashiba agi, iba gari tsüktepba mapang Williams indang gari tekera ya ghonda ka nung kilometre 8 liasi aser yi mesüra miim mozü achiba kuli kicha meliasü.

Iba lendong nung Williams ya meyiru aser la kicha tenokdangba melie Wimbledon nung shilem agitsü, ta la indang attorney, Malcolm Cunningham-i osangbener dang ash.

"Ibai tia makaba lendong ka lir aser lendong nung asür kibong den William-i asükhu lemsatepogo," ta Cunningham-i shisem.

Venus Williams ya tetsürtem tennis asaya nung tang World No. 11 aser Wimbledon nung jenjang 11buba nung lir aser lai iba asayamong ya ponguben koka lir.

Assam nung Muslim lanur...

"Nisung 300-400 shi kati police dak lung agi ona rara aser idangji police kar yiru. Onoki parnok senshitsü atema ash aser parnok amokmerena anünglen injang kar khadok, saka parnoki lung agi ona rara. Parnoki highway nung senzuba garitem dena amak aser parnok azüoktsü atema injang khadokdang, nisung ka khaset"

Goalpara district superintendent of police Amitava Sinha-i osangbener dang ash.

Assam nung BJP-i aniba teloktep sorkar tentetba sülen EC indang D voter anema tang mezüng lungkak aitba sentong agir. Lok Sabha MP aser All India United Democratic Front (AIUDF) tanishir, Badruddin Ajmal-i nisung khasetba atema

(TAPAK 1 NUNGI...) bushisündang ka asütsü takhangba agütsü.

State sorkari D voter aser ozüng alema arua alirtem indang onüktem zübazüba toktsür, ta paisa aitsüogo.

Ano külen, Congress-ia police-i tashiyim amshia injang khadok ta aitsüogo aser iba tatalokba atema bushisündang asütsü takhangba agütsü.

DDLISA aser Traffic police-i...



Zion Hospital lenjem aser Chumukedima check gate nung parnoki sentong agidang, senzusenbonger nem road safety tezülubatem aser bumper stickers lema agütsü.

2017 küm tsüngda Dimapur district nung gari lendong atalokba ken o 22 tashi benoka lir aser lendong balala nung nisung 20 asü, ta Commissioner of Police, Dimapur, Limasunep Jamir-i taoba

mapang osang metetdakja lir.

Iba osang nung ajemdaker DDLISA aser Traffic police temi gari o two wheeler anishirtem dang gari timi anishiyim tesayubatem agütsü.

Mezüngbuba Kohima District Inter-School Football Tournament

Mt. Sinai aser Minister's Hill Baptist HSS na quarter-i iogo

Kohima, June 30 (TYO): Kohima local ground nung Royal Club Kohima-i ayongzükba tang mezüngbuba Kohima District Inter-School Football Tournament nung tanü Mt. Sinai School aser Ministers' Hill Baptist HSS na quarter finals-i iogo.

Mezüngbuba pre-quarter final asaya nung Mt. Sinai HSS-i North Field HSS 2-0 agi koka liasi. Iba asaya nung Toshi-i minute 15buba nung Kungau-i minute 38buba nung goal agütsü.

Tanabuba asaya nung Ministers' Hill Baptist HSS-i Model HSS 3-1 agi akok. Asaya

tenzüker minute 14buba nung Vikedose-i meta talang nungi goal ka agütsü aser tanabuba goal ji mezüngbuba half asaya nung mapang tali agütsür asayadang Gideon-i agütsü. Asaya tesadang tanbabuba nung Jimuhie-i minute 52buba nung tasembuba goal agütsü. Model HSS nungia minute 60buba nung Pravin-i goal ka agütsü.

JULY 1 NÜ ASAYA:

- 1. Charity School vs Bethel HSS @ 1PM
2. Stella HSS vs TM Govt. HSS @ 2:40PM

Ato kilonser, Modi-i 'The Arena' semzüksü



Ahmedabad, June 30: Gujarat kübok Ahmedabad nung June 30 nü TransStadia Integrated Sports & Entertainment Arena Project & Khel Mahakhumbh-2017 semzükba sentong nung Ato Kelonser, Narendra Modi-i sentepa alir den jembiba mapang tangokba noksa nung angur.

Ahmedabad, June 30 (Agencies): Tanü Gujarat, Ahmedabad nung Ato kilonser, Narendra Modi-i integrated multipurpose stadium, 'The Arena' semzüksüogo.

Iba ya Gujarat sorkar aser TranStadia na public-private partnership nung yanglu.

Iba stadium semzüksüba sentong nung India nunger nüngtugu saisapongertem-Pullela Gopichand, Kidambi Srikanth, Gagan Narang, Sushil Kumar, Bhaichung Bhutia, Paralympian Deepa Malik, taoba mapang India kabaddi captain Anup Kumar aser cricket asayatem Irfan Pathan aser Parthiv Patel nungera liasi.

Ato kilonser-i tang mezüngbuba state-of-the-art TransStadia sports Performance & Rehab Centre semzüksü. India nunger tashi itta aser anema alitsü nükjidong nung iba Centre nung ya human performance labs, non-invasive treatment,

assessments aser fitness programs densema lir.

Iba Centre nung assessment aser training equipment lir aser tang mezüng India nung - Pro Reaction Timer, Swift SpeedLight, Touch Mat/Speed Mat densema aika lir.

Modi-isa mobile medical van semdanga liasi. Iba van nung specialised doctor tem lir.

Sports science centre nunsa yirua alirtem atema maximum relief aser medication agütsür.

Iba sentong nung jembidang TransStadia managing director Udit Sheth-i, "Ato kilonser, Narendra Modi densema onoki iba ya mangdang yur liasi, aser pai iba ya semzüksüba ya akhüm ka lir," ta metetdaksü.

"Tang yimti nung city centre tasen ya yimitem atema model ka süa India-i saisapongba nung temelenshi tulu adoktsü ta onoki amanger. Onoki alima nung tanü putu indang stadium tajungtiba yangluogo," ta paisa ash.

PSAN-i 'backdoor appointments' ... (TAPAK 1 NUNGI...)

Home Department nunnga 'backdoor' ajanga Sub-Inspector tem shimoka lir. Anungji, item mapatemji agientsüla aser NPSC ajanga nisungtem shimoktsüla, ta parnokisa ash.

PSAN-i maneni sorkar department tem mita repringtsü aser June 6, 2016 nü sorkari 'contractual appointments' malitsü tetuyuba agütsüba alema inyakba department putetra, teinyaktsü timi ken o benoktsü.

August 11, 2016 nü Personnel and Administrative Reforms Office Memorandum nung Point No. 3

agentsüla, kechiyong iba nung Contract/Adhoc basis nung shimba nüboji küm asem mapa inyakba sülen regularize asütsü ta shia lir. NPSC kübok aliba mapatem sorkari regularize masütsüla.

Item onüktem nung ajemdaker PSAN-i July 3, 2017 nungi sorkar department temi ochimashi inyakba anema lungkak aitsü. Nagaland sorkar kübok mapatem nisung kari pei ajung asaa tim mesüi amshir aser iba inyakyim anema PSAN core team-i nokdaksü, ta parnokisa metetdaksü.

BILEMDANGANG
'Mangdang tulu alirtemi takok tulu angur.'